

漸西村人初集二



漸西村人初集

喬森

詩六卷

戲作俳句

古意四首

送施均父落第後之肅州從軍

毗耶

王子裳芙蓉秋水圖

效涪翁體

簡仲修

寄家兄

目錄

追和江退谷丈二首

石屋隴曾公嶺去吾縣一牛鳴地耳頗有稻畦竹埭

之勝先伯父雪蕉先生卜居於此竹上時有小詩及

題名亂後湮滅矣追憶成詠

贈高仲瀛朱鼎父

和胡景曾

寄和王子穎丈

閣夜

和李愛伯臺郎移居

簡陳戶部

喬森



避舍蓋
公堂

庭前花

反游仙詩

竟陵甲戌七月晦日

答台州王子裳同年

送陶子纘歸越

送人游蜀

涵秋閣詩為嚴居士作

校獵行

十三年秋駐蹕南苑行秋獮禮恭賦

西齋

夜集同芝浦松岑移華作

目錄

感舊絕句

仲長公理

高文公伯恭

韋左司

徐仲車先生

讀陽明先生傳習錄

孫徵君

姚惜抱先生

對雪

答龍松岑

贈潘孺初瓊州文昌人
隱於金曹吏

春游戲效松岑體

題朝鮮使臣金奭準指頭書

題松岑詩集其門人松岑詩集

四月二十七日書痛

問龍乞水

驅虎負樵天雷告雷烈烈尋以驅去

夷夏出時同德

雜詩其門人

寓館有女蘿叢生上蔓檐際豐茸可愛聊以遣興

目錄

三

避舍蓋
公堂

放歌

乙亥重九日詩

止潛比部招同尊老牧莊伯馴鼎父子因宴集徧游

城外白雲觀天甯寺諸勝抵暮乃歸走筆爲詩呈諸

公其門人

拙訥翁其門人

金溪陽明乃孔門之琴張曾督牧皮也拈筆短述

形將其門人

泛海僧其門人

菊其門人

將曉

燈

瓦松

次韻張桐將之濟南別

憶女

漫興

散人

懷昔游戲作

送友人假還秦中省親

時參

目錄

上黃子壽丈

四

避舍蓋
公堂

漸西村人初集

詩六

戲作俳句

甲戌

人人不識揚州樂我道揚州樂事真
蠓麪汁和甜笋美鹿車痕碾輦沙
勻彌陀巷裡尋高未夾翦橋西覓
李賓晚向東園門外過小桃放了
亦風神出王守澄寒韻思應
韻賦古意四首對姑沈青棠吳文
絲想賦三年秋賦出祭
幾日靡蕪生夾道又看稚柳拂金隄
槎凌碧海迴風阻路隔紅橋對
露迷駿馬絕塵空換妾干將薦履
半爲泥欲探蔥嶺河源勝芒屨冥
冥獨向西

詩六

避舍蓋
公堂

宮裡長眉樣不同城中新髻頗難工
梅操薄技晞思澤亦有精誠獻法
宮何處珠簾巢翡翠羨他玉殿樹
青蔥感深二鳥重爲賦薦進殊光
未許通

閑填絳樹聲聲慢故折青棠裊裊
絲瑟抱三年知術拙桑成五丈恨
工遲碧牕乍眼聞烟語玉宇微寒
觸曙思飄警武夷張樂地幔亭有
路到今疑未夾誰謝西真卒實則
微聞閣道開營室傳語繙錢權水
衡定法周宣銘甲鼓久應夏啟卜
庚橫木妖豈待劉生諫絲壁何煩
魯殿更別有精思公王帶合宮圖
欲獻承明

西送施均父落第後之肅州從軍

遠樹相迎意黯然輕裝短製別華筵欲探烏鼠同巢野定
訪崆峒問道山祿利何堪受鳴嚇高才莫漫遺魚荃惶中
戰伐含飛動幕下陳琳正待賢

河西自古雄文物漆簡東京出杜林殊俗卽看楞面化經
生要蓄濟時心徙戎江統曾閱議對策劉蕡豈陸沈好去
晉公持節地朝正重入五雲深

水壘毗耶

毗耶城人家屢空申儒詰墨言厖鴻頗於舊解出新意自
信人阨非天窮雨榭沈沈豆子熟風寮漠漠苔花紅安得
摘星陀絕頂金仙坐約兩茅龍

詩六

二

避舍蓋
公堂

王子裳芙蓉秋水圖

仙人襦淺絳一墮烟江潯下尋寒篠盡忽霽窮秋霽亦有
南華意持寫妙明心平泉園裡樹歲晚不可尋娟娟隔秋
水疊疊抱孤深

晉公效涪翁體

五重入五雲

王子裳芙蓉秋水圖

摧眉結喉緣俗客明目張膽仗奇書何用行媒先鳩鳥相
教浪出慎魴魚虛堂靜得碧山趣古石閒支丹鼎鑪自有
張皇幽渺事塊然天地入蘧廬

簡仲修

山嶽孤峰受秋細高水莫數魚荃壘中

化書譚子綠玉佩自是謫仙人絕塵羸壤張繒氣爲縹冰

天叩角絃復春匊無凡語能驚俗筆有千秋信入神寺裡
雙松同偃蹇近來佳句掇皮真

寄家兄

遙知溪上路苔翳經行迹倚檻聽風湍開樽澹將夕歸憇
出雲杪細徑穿竹柏涼月升東崦照我蔬筍席稍聞漁者
歌洒然盪營魄野火滅還明潮生沒孤石誰同一瓢酒形
檢忘主客京洛夕相望羈心鬱如積

余爲外事累兄耕原上田晴窗對道帙時檢白雲篇媿我
衣塵清蕉萃難爲妍心馳富春路祇見陌頭煙喧寂豈殊
致勞生使之然蘿暝隱晨嘯竹深聞夜泉那知少日樂撫

詩六

三 避舍蓋
公堂

事坐推遷

追和江退谷文二首

拔地一千尺增厓秋氣高老松長鱗甲崩石動波濤雲入
蒼江腹苔衣野碓尻退翁此栖息滅景逐盧敖

獨山元
詩云細雨

溼如霧白雲低在溪山高絕飛鳥村遠
尚聞鷄不登是山者不知其語之妙也

一屋如方罫炊烟三兩家檢書搜竹籬穿霑落松花婦汲
新修筒兒煎早焙茶秋來村釀熟乞蟹釣師車

村居

石屋鳴一名曾公嶺去吾縣一牛鳴地耳頗有稻畦

竹埭之勝先伯父雪蕉先生卜居於此竹上時有小

詩及題名亂後患滅矣追憶成詠

山人耽糟邱寢瘵謝人事時攜樵客遊或簡緇流至溪南
結茅社春日筍迸地偶來磐石上釣竿聊一試山寒魚亦
瘦不復近香餌閑將金錯刀竹膚題綠字日暮笳管空歸
來飯烏特客來造牀下剖析多古義末代少眞風孤蹤猶
鳳吹至今竹書痕猶貽後人思茗柯有眞理飛沈恣遊戲
贈高仲瀛朱鼎父
高子青古籍樸野忘榮利精擅海島經義析曲臺記山雲
無定姿或臥松下寺有時洮西懷結客指畫地
朱子啞言語不脛自超塵粲然南郊賦博喻西都賓藏室
似淪跡玉杯且華身古之善爲士安知非采眞

詩六

四

避舍蓋
公堂

和胡景曾

昨客淮南今薊北逢君園徑慘槐花一流垂盡才無賴十
上空勞遇尙賒河朔樽徒連雨飲漁陽鼓已落颿搥何方
借得新巢住且入長楊聽曙雅時子得中正榜仍
報罷以管爲閣掾

君歌白雪詞空費我媿黃金賦不成北地看花如中酒南
來頌橘未渝榮電開玉女顏微笑露折銅仙掌一莖會是
凌飈生健翮未妨淨退隱玉城

寄和王子穎丈

相逢東海曲曾見幾紅桑辛苦遲歸屐輸君臥石牀桐雲
連十畝寰宇記引者舊傳云桐溪側有大椅桐樹垂
條蓋蔭數畝遠望如廬遂謂爲桐廬縣也竹閣

注三蒼窈眇移情處山中未肯忘

閣夜

宮槐無風雅自響飛入長楊三兩聲千門尙未傳魚鑰官

燭燒殘月露盈

和李愛伯臺郎移居

槐樹斜街朱老宅藤花古屋阮翁居主盟結社今誰屬刺

齒持梁總不如檐竹好移金環碎研池更挈玉蟾蜍莫嫌

郎署浮沈久會起通儒議石渠

先生讀易注騷處越國才應抗蜀才室有奇書排錦暉門

無雜客繡蒼苔草子不待丹吾韞枕麴何妨墜汝臺幾日

詩六

五

避舍蓋公堂

掉頭柯水去誅茅歸傍小蓬萊

簡陳戶部

喬森

惡色俗所眎惡聲厭所聞文章亂畫紫古術荒鉏賴陳君

塞兩目睨若馬勃熏下走塞兩耳朱儒喧吹唇年格限賢

達暖姝棄艱辛但覩諸年少梁折代以薪不見舊耆宿錄

嶽搜峨岷日連一夕昏復一晨蹇驟被錦羈驕嘶絡

頭新綠耳困芻豆將遁南山濱曾參云殺人世議不復伸

汲直困刀筆賤者不復珍何當盡屏去獨與浮雲親

庭前花

庭前有奇花徑寸發深秀紅翠相搪撐馨烈久彌茂爲甚

惡草盡釀酒飲而壽

反游仙詩

紛紛方士堪擄斥行藥長安市未還精思自禪空石裡真
游偶憩綠蘿閒鹿盧躡御輕千里龍伯人來蒼五山喚取

劉侯詩石鼎逕須高髯折羣訕

竟陵

甲戌七月晦日

竟陵玉節擁朱輿涉歷艱難委佩餘西邸誰陳因果論東

平難乞短長書幅巾倘幸傳歸第華屋何人為曳裾割肉

汗貂終得釋風雷掬爪事何如

答台州王子裳同年

詩六

六

避舍蓋公堂

腦脂遮眼王同歲

蔡字子莊

羸葬遺形蔡仲吹

仲吹名篋皆台人

晚出

輪困千尺榦相邀被服六銖衣任人逐臭餐熬腐與子食

和飲太微欲叩金華宋道士

潛溪先生嘗為天台山道士

方吳黃柳有

遺徽

謂韶甫淵穎文獻道傳諸老先

送陶子緝歸越

森沈石簣倚金支翠樾陰中讀楚辭舊注好纂鴻烈解穹

碑為訪禹陵祠枝言何用夸三耳飛遁終期法九師壓擔

奇書燕市去參差笑謝市中兒

何時同約泛蘭艘便泝南江入漸江生事待營三畝宅卜

居空夢兩山隴子能任運希龍蠖我媿娛文廢擊撞迴首

北平多古意旅愁如海未能降

送人游蜀

一年同飲桑乾水何日重浮桑落樽此去疲驢劔門道丹
楓夾路聽嘒嘒雪晴瓦屋千重見霜漲蘆溝幾尺渾莫厭
清貧橘官務山深俗樸道彌尊

涵秋閣詩

為嚴居士作

靈境含眾妙意林憑象構况聞吾子賢端居類巖岫回回
凌颺空槭槭翳永晝飛檻納浮陰暗泉挹丹溜疑非王城
栖風物濯穎秀下尋叢荻盡忽拓遙岑觀兀然坐忘客萬
有俱色授講解吾友于瓦罇偶相就大地運一舟彌縫無
罅漏卽此明遠心何殊食氣壽

詩六

七

避舍蓋公堂

南城有佳處潢水深幾曲乍斷游人至何殊鄭君谷烟中
人語靜微霜漬松竹時待劉龔來三徑放遠目朝聽東林
梵暝還西齋宿猶憐江上居荒池蔓寒菊我亦離鄉客社
燕思舊屋相期脫世議澹與返初服歲寒非峻節純懿天
所福

校獵行

十三年秋 駐蹕南苑行秋 桐禮茶賦

西山國之望灑水貫縱橫神臬信天府敷澤何全盈池籞
割三垂滲漉假貧毗維南有靈囿繚岸規蓬瀛舊為飛放
泊七萃閒牧耕臺磨涼鷹古館勝射熊名製無游觀飾卉

敷陸落榮

乘輿舉獮禮尉候張置紘秋稼方如雲省斂恤疲憚木蘭
規國俗天弧厲金行列校煥羣雅雲罕動雷聲周行夷草
棘輦路麟杜蘅六蚪弭容與戎容肅
中東無大難四曲
天情朱旗振桐絳凋弓扶桑弼羽不及避繳角不及觸振
草樹紛仆藉電掃阮谷輕

皇心匪巡游車攻邁周京燁武震月蝟威稜堊龍庭黃支
與烏弋咸使奉朔正方物質重譯天戈澹災萌上備乾豆
薦下戒大庖盈迴 蹕返澹泊獠鮮佐禋祓滌煩治道囿

游思六藝精宣室攬耆俊 講筵湛神明土事罷瑠飾木

詩六

八

遊舍蓋
公堂

功輟經營恭儉爲圃藪仁義資衝軻陋彼扶風獵願刊邾

陽銘

西齋

狹似毗耶成道室陋於山谷死心寮無端又捨西齋去借

得新禪且避囂

劉伶以
室爲禪

天齋夜集同芝浦閣校松岑孝廉移華編修作

如水清歌一再行淡烟和月翳還明座中東馬才無匹曲

裡西烏感易生燭灺柘枝顛罷試酒餘藤子帖供評窮愁

獨有江南客倦聽閒情吹玉笙

感舊絕句

塔圯庵荒僧已非兒時侍立贖苔磯近山已禿全無樹猶

夢穿塍負笈歸師谷庵住持老僧名高漢

漫漫溪流雲一谷先公讀易拓松窻夜歸猶記長干寺月

上驚衝野鶻雙晦村

巖情最愛濯清溪秋禊臨流聽竹鷄卻憶天寒採松子忽

看蒼鼠墮荒蹊清溪

曾隨杖屨傍溪行陽墅清幽只一楹石欄虎迹尋常見厓

上丹楓時倒生東陽

先公閉戶書清修洲近梅花不一游聞說唐梅今尚在臥

開斑蘚綴青虬九里洲

詩六

九

避舍蓋公堂

每逢九日幾回登諸父提攜授簡能城郭人民俱浩劫歸

然惟有塋層層桐君厓

禮殿積鼓只臥梅曾攜瓢酒匝千回雪晴枕石書曾把不

戒樵薪今已摧崇聖祠古梅

擘浪分風得此山苾芻散住碧厓閒避風到此風轉定始

信白業難躋攀焦山

茲山天下稱窮處亦有風雷蕩漪音游屐無人能到此綠

蘿巖下一披襟銅井

華嚴妙諦無凡聖劉司業散作髯翁聚族居諸相輪困無一

似晚來清吹和鐘魚靈隱寺門松

江行曲折千灘轉，直到門前勢少徐。北受紫溪春水闊，釣師新網得鱗魚。漸江水

溪潭二月雪消盡，夾岸山花紅欲然。天目於潛裁百里，未探幽勝惜迴船。紫溪

灘聲忽高厓濺雨，江行盡日稀村陽。清泉一道兩山閒，石上松花覆鍾乳。十九泉

昨逢溪叟刷名山，八十疑年似壯顏。雪裡黃精花轉盛，藥苗分得一叢還。白雲溪

溪烟裊裊出深籬，爲憶山中茶熟時。且喜山深無市權，風甌泉味試春旗。新茶

北人未見竹成圍，誰識笋生車軸肥。鄉味春盤少顏色，渴思解取籜龍衣。苦笋

華亭呂泗今少種，滁上緯蕭偶得之。不須飛鳴已奇特，啄腥恥逐鳧翁嬉。滁水舟人

眞州無樹可藏鴉，旅泊秋深倚白沙。清夜推篷獨吟望，半江寒月浸蘆花。白沙鎮

獨行瓜步山前路，村酒嫌甜飯夾沙。忽見佳人髮拾翠，橫波一隊氣如霞。瓜步

竹鑪茶銚此幽栖，時有園丁餉樹鷄。聞說燈船鳴幽勝，不曾遊興試青鞵。北譙

曾遊興試青鞵

詩六

十

避舍蓋公堂

虛閣無風松自鳴
吾師田水妙聽聲
元家故物惟存譜
不省區中虧與成
家舊蓄一琴款云寒泉漱石今久失之

仲長公理

何曾樂志謝初願
未有昌言上帝聞
背郭臨溪多竹樹
欲依公住結成村

高文公伯恭

樸忠日侍虎如漚
惋頌同徵歲月遒
九十霸朝謔掌故
真從物外得天游

韋左司

郡齋陽榭朝鉏藥
石室陰厓夜汲泉
迹順人間亦仙去
晚

詩六

十一

避舍蓋公堂

知際斷去來緣

徐仲車先生

徐州孝子不履石
智周萬物何所思
憤然莫笑老聾叟
奇絕先生月蝕詩

讀陽明先生傳習錄

塊然生死龍場謫
忽有雄深大辨才
浮脍人人百年內
幾尋本性出寒灰

孫徵君

少日舉幡楊左獄
晚年樵汲蘇門山
靜修一集資傳播
卻望鄉園阻北還

姚惜抱先生

抽身早辦謝朝簪
齋養微明得智林
收取閑身老文字
教人宗派獨孤尋

先生論文嘗以唐獨孤及宋穆修自例

對雪

飄瞥無聲乍揜扉
清光入夜透書幃
臥思瀧尾江船火
獨速短簑人夜歸

答龍松岑

桂林山水天下奇
何久宿留金門爲
同困公車與待詔
莫漫寒女愁纒絲
明珠遺我逾百字
淨白及子傾千巵
石室終應著書隱
長安令僕如枯棊

詩六

七

避舍蓋公堂

贈潘孺初 瓊州文昌人 隱於金曹吏

海南仙人戴籜巾
千年奇木蘚皮鞞
偶然覓句五字穩
能使迴枯萬物春
餘不沈公方黑蝶
羅浮屈子跨黃麟

竹垞翁山詩云若非手持綠玉杖不然定跨黃麒麟

疏星夜見匏瓜朗
宰相何爲失此人

春游戲效松岑體 乙亥

青陽夜韉玉花驄
瑤山縵井潛迴薄
似憐羈客少解顏
故遣衝烟吐紅萼
王孫不惜錦障泥
游女隨攜銀鑿落
簫心劒氣有底狂
鈿車錯轂道生光
春愁被花惱不徹
化作春星依苑牆

題朝鮮使臣金奭準指頭書

嚴家餓隸濡一指烟霧霏霏結成字淋漓醉墨生氣出斥
棄中山管城子古云吹竹不如肉漸近自然君復爾顛張
漬頂猶未知指馬微言寄于此行人來自元菟東扶桑花
開少海紅奇文解讀吾妻鏡國表夜奏 明光宮草勢翻
翩解衣礪疑從畫革左書作東門祖帳送將歸遶指繁聲
白翎雀滄涼海國變桑田賈胡西來挾戈船蒼社勿忘盟
府策赤符欣戴會同年於乎駒支犄角兮歸固爾圍張我
右臂兮吾將銘南極之銅以爲柱鞭西溟之石而走淵飛
書遠責白環貢遲爾銅駝陌上躡

詩六

三

避舍葢
公堂

題松岑詩集

我讀槐廬千首詩龍伯丈人有奇氣悄然坐我西山下芝
菌松花常茁地太行西上脊透迤渾河東注黃琉璃驚磨
淺草去不息離烏羽短無安枝百年尺捶已取半三賦明
光良失時匭函上書欲自達露索又畏蕭生持閉關獨謠
玉桂國刻珮眾形資爲詩
西域蒲桃久移植南溟之珠流汎極北辰初正肅朝儀鼎
湖已緬思

帝力國論方求博望才方言誰佐揚雲職書生袖手何所
施表餌空言羞對臆縈青繚白灘江樹知舊書招未歸翼

期君橘柚出南州終貢金庭自瑀飾
桑維四月二十七日書痛

又直慈親懸皖日鼻人未死十三年篋衣無復手中篋

初服終耕原上田臂憶搯時樵欲返乳驚汁出瓦仍全地

藏擬伐經幢石孤露心依白業禪地藏經者釋迦弟子地藏女為佛母迦維衛國

王夫人所說以人名經先母喜持齋常誦金剛經不孝擬刊石幢以藏先志

與直問龍乞水問龍乞水

徑山卻似乖龍耳中有南宗一勺泉歸汲新泉供洗眼方

瞳試叩地行仙

與文驅虎負樵與文驅虎負樵

詩六

古

避舍蓋公堂

郭文石室在何許不憶無情非漫語使虎負薪傳者妄欲

尋舊隱迷處所

夷亶

夷亶之間一小洲百篇書在避秦搜無端改服從胡俗竹

帛輕燔海國愁帛輕燔海國愁

蝦蟆有知解缺螯繁一族跳身控青綬怒輕丹轂覲官

為給廩鼠壤有腐粟雖不讀春秋已勝淄原牧紅蠶綠枯

桑輸汝得章服活東能作技遜汝善緣蹴瓜牛頗廉介見

之角羞縮強聒自謂工蛇鳴輒見逐奇醜變靡顏混沌私

自祝我讀卞生賦謂材堪令僕

方春搏黍出旣秋精列鳴四序不爲物物感氣而生寒暑
運自然勿與榮落爭至人榮期翁顏色老復丁奉藥一玉
杵泠然御風輕鹿裘何足恤帶索聊徐行不知有得喪亦
復無衰榮
智爲怨之媒愚又辱之鄰適俗乖夙好學古遭長貧崎嶇
蟻甕中乃苦形役神不若俱寘之虛緣而葆真不與物爲
疏亦不與爲親傅沫與久竹吾師化爲人都養足自給何
憂甑生塵

寓館有女蘿叢生上蔓檐際豐茸可愛聊以遣興

詩六

五

避舍蓋公堂

裊裊女蘿生離離拂簷上陋室本寒窘綠縟媚虛幌烟暝
與霞朝頗類山居要宿羽穿還去輕塵棲復消昨夜風雨
至吹燈清夢異有人被薜荔赤豹從遊戲秋意忽然深閒
階石髮侵物微有相感寫入楚詞心

放歌

淮陰矢志下屠狗跛蹇乃待文王興一朝官家賜顏色寫
枕解帶猶龍騰上書讀輒乙其處施行略中利與癥遂令
民物少疵癘登進眾直收風稜公孫脫粟徒爲爾蔡澤齧
肥吾不能功成辭賞拂衣去敕賜剡溪溪上陸輕舟厨傳
左顧辦荷花千頃青霞蒸淩肥芡熟淨可剝酒船容與傾

如澗瑀鐫小詩出應閒鄴下風骨羅徐應書局自隨賓從
美中興鏟壁文字稱登山穿林屐齒折偶尋林下支公僧
合丹服食頗有驗急逢龍背騎且憑八十鈔書字如髮殺
青傳本枯溪藤丈夫快意有如此何止射虎吳亭曾胡爲
局促浪自喜縛于世法如韞鷹

乙亥重九日詩

有敘

壽長出然服世世與奇又

重九登高不知何始九者究也久也究其終始拯陽
道之剝依于長久觀攝生之指且是月也律中無射
射合逸義九爲陽變動生無逸以資凝命積微戒著
以睇崇惠不亦善乎魏文與鍾元常書云日月並應

詩六

六

避舍蓋
公堂

俗嘉其名陶公詩亦云世短意常多斯人樂久生日
月依辰至舉俗愛其名非其義邪又以爲其風起于
荆楚盛于西京屈大夫恐老桂冉其將及餐秋菊而
製稔復稱椒又充其佩幃椒本艸一名茱萸西京雜
記謂佩茱萸使人長壽是也然則沿荆楚而製俗及

漢魏而彌繁擷艸木之芳馨戒支體之墮逸舍此安
歸乎僕擬騷無才登高怯賦迹滯拘攣性耽予寂感

茲佳節聊述短章云爾

齋心觀羣動況乃逢令節霜菊榮前除庭柏有奇實採之
殿眾芳開樽自怡悅仰觀南山稜俯汲寒潭冽物候互遷

斥道心無斷絕獨鳥下龍沙涼颺息風穴高空無纖雲霽
剌氣融徹誰知市隱者荆扉晝長閉繕性刊淨榮息陰安
劣轍久厭喧俗居衰裒林阜迹西郊烟霧淨獨往離言說
蘇崇止潛比部招同尊老牧莊伯馴鼎父子因宴集徧游
西瀛城外白雲觀天甯寺諸勝抵暮乃歸走筆爲詩呈諸
公謝再來賦也云賦且題謝王送吳君
會稽先生矐且古拄腹森森九經庫牧莊居士天機全可
與鞭鐙相迴旋寮中主客皆清絕各抱逸情癯瘠劣真游
物外有蘧廬把臂穿林眼花纒行炙三巡上馬去尋幽選
勝城西路銅駝十寺九喧俗塵境掉頭良不顧西山偃蹇

詩六

七

避舍蓋
公堂

待高人遙指蒼蒼竹林處山容如妝山骨瘦障日銜霞亂
無數敗葉驚雅絕頂盤擎空元鶴橫梢度杜治開處淨烟
霧白雲昨宿檐前樹蒼官青士護館壇寓龍木駟左右攢
六丁鬼鬼五將列意佐禴禋鉏神姦濯龍宮中留道訣出
關漫索竹根丹未須住世一千劫且欲脗切三彭肝長春
西游越繩度鍊門石峽膠飛鸞真觀鬱茂動人主遺像肅
穆崇黃冠登樓笑語憑危欄浩蕩欲倚青冥端牛羊草低
綠幕地夕陽倒射山盤盤東愁西氣一朝洗乞取海棠花
堪餐林迴徑轉黃葉寺飛塔頑仙恣游戲剝苔先讀古鐘
銘埽瘳冥搜隋剎記古往今來石敲仄勝游卽此消礫何

忘子形相據槁梧惜子英才如勁筈且依魏闕侶耕桑更
拓閒塵種瓜蒴街鼓寥寥暮傳鑰歸來蝨室忘機坐投林
野鶻亦栖栖山果捎檐霜落顛

拙訥翁

嗜書古有蠢樸子晚起今餘拙訥翁百日臨池縈蚓壁一
年學仕縮蝸宮問丹經逐鹿皮叟耽醋芹如羊鼻公據梧
心與竹石化爲問耳根聾不聾

金溪陽明乃孔門之琴張曾皙牧皮也拈筆短述

狂士匈襟自崑然標枝野鹿夢黃軒都將鹿洞天泉客拉
入沂陽諷饋天

詩六

六

避舍蓋
公堂

形將

形將影語陶元亮身答心云白樂天證入苦空都忘卻東
山法裏一逃禪

短燈檠底時然夢黃葉林中獨閉關新霽小奚來報語斷
雲過處露西山

泛海僧

飛錫南游霧渺冥浮生身外卽滄溟風波惡處初移碇龍
鬼降時趁說經孤島泉流髮寒玉亂山木落挂危屏高飛
欲向何天住白嶽黃山與洞庭

菊

方書浪說金精好楚賦猶傳墜露篇偶殿秋光伴高士可
能藥性駐長年孤花皎潔霜如洗瘦葉橫斜綠倚烟恥入
朱門張錦繖休將庸福損名賢

八幽將曉

屢數寒更催落葉旋聞爆竹響鄰家迴廊肅肅鳥辭樹小
院陰陰雲護花虛白初疑北闕曙微紅稍上東溟霞惟餘
鐘動馬鳴寺猶憶鷗眠龍尾沙

燈

稍似心光聚能兼日月功幽燕寒閣夜一氣逼空濛寂照

松窗靜餘輝竹徑通於君定何厚伴我穗花紅

世說日照
平書月照

詩六

九

避舍蓋
公堂

乎夜燈光
照乎晝夜

瓦松

豈有松才調徒然託處高巖霜不相怨伏雨長而曹大赫
摧元氣簷泉走暗濤秋來任枯槁凋蕙又林皋

次韻張桐將之濟南別

破帽疲驢出劔門棧行辛苦與誰論君看石鏡山頭雨灑
人幽齋一片雲

翩翩神駿出南皮何處相尋元武陂濯錦江湖重迴首風

流儒雅屬吾師

座師孝達公
方視蜀學

蒿庵去後灤泉荒高屐誰登寫禮堂此去授經尋打本伏

生祠樹已微霜

伏生授經圖石刻今在沂州府學

辯才應敵箭鋒機氣挾幽燕馬不肥好使田巴不開口棘門餘子但如豨

憶女

耶不識兒面稚髮垂兩耳兒不識耶面觀書常短視思汝呱呱聲學語未生齒一棋裁已周睟日母饋爾越人將楚言且復欣然喜非男情亦慰初索翼風始耶不如汝祐汝有母可恃念 母生我時摧哽心不已耶已生二毛遠客形迹累聊讀養生經何云餐石髓兒心渾渾然卽具老佛理行歸弄汝姪鬪雲濤霍埃欲得二頃田牛飲而鵲起作

詩六

辛

避舍蓋公堂

詩待汝長何求於世矣

漫興

自笑身隨眠食移偶逢米汁亦中之梵音千偈充陽氣

公羊

傳注凡有聲皆陽事故樂以陽出可以散鬱滯之疾梵唄潮音陽氣尤甚

佛說三明寶玉肌住

論云佛身七處滿謂兩手兩肩兩足及頸

左司解和春醪句玉局能偷晚起詩

目諭王城人似海何妨掉臂市中兒

散人

野人寒與飢皆蘊天性眞飢念脫粟飯寒念羊裘温貴人

飽與暝日與詐偽親未寒貂襜褕未飢具八珍彼其待手

足尙以利勢賄何況待血氣乃磨毛角倫所以漆園傲不

願爲犧尊所以華陽逸不願金籠馴羞爲彼哉伍君當恕
散人

懷昔游戲作

均父髮更白仲修臂時風元同眼已花西泉耳仍聾向來
同局人流光去匆匆予亦非少年濁酒時復中偶與越縵
老銜杯向蒼穹朝爲擊壤叟暮作榮期翁鄰家霜柿葉照
予顏亦紅

送友人假還秦中省親

盍簪甫經歲祖帳還傷別浙浙林下游襁褓燕山雪感子
明發懷攬雲欣可悅野服成遠游高標謝時愁爲采商山

詩六

三

避舍蓋
公堂

芝相期衛生訣

時參

時參南郭忘形趣愛讀東方誠子篇偶渡村醪爲雪釀卽
於簷溜聽風泉哦詩韻似霜中磬作字艱如瀨上船聞道
金門堪避世遇躋何必後稱賢

上黃子壽丈

曾栖日下鶴蕭蕭淩紫霧

張文潛詩黃公蕭蕭日下鶴

明堂奏清角仙

樂鏘韶鈞一朝鴉寥廓身隱道轉伸誰知龍蛇飢羞與鷄

雀羣令惠飲和氣清輝燭高雲珠以枯岸潤蘭以幽厓薰

虛然夏飲冰豫若冬涉川披緝六菽藪特達窮天根腹中

琅玕實鯁理誠殷勤排雲叫閭闔再使王風醅島索各秋
氣不如一室春阿膠雖徑寸可止四瀆渾觴豆陳堯禹襟
袪選黃軒此情眾莫識高揖綺與圍金徽揚妙曲道惠煢
至言偶陳大雅義鶴鳴冀遠聞朝食玉山禾暮栖孤竹根
長離表我潔予豹賦我文芳風被鄉耆名論濟世屯甯闢
長者志欲識長者真太行何叢叢桑乾濁沔傾厓不可
樵積波不可縉爰居亦何樂斂翮金馬門八珍非所饜五
漿不願陳但願青田游卜與丹邱鄰再拜漱寒碧一瑩心
與神

答

貴筑黃彭年子壽

詩六

五

避舍葢公堂

隆陰歎季駛朝霜若暮零卉零剛蟲鷲疇能持大鈞神龍
盡思蟄尺蠖安可伸鯨齒白如雪出海千爲羣雀鷓聞天
時豈辦千霄雲言誰藥石甘香孰知見薰層冰凝已堅飲
鶴何處川襪襪脫籠樊結巢長松根病翮心自惜嘯侶情
每勤伊祁近堯基政悶而民醅叢樹翳樓閣碧澗幽含春
側聞丹穴鳳浴水不浴渾德牧耀奇字華采騰軒軒高調
叶簫韶求友靈禽園暫饑竹未花 聖瑞誰爲言阿閣翼
欲翥九臯鳴遙聞曷去蒼簷籌就啄茯苓根裴裒不輕下
高奮思呈文甚願儀 丹闕昌運開時屯素琴寫此意求
友相彼真長風颯然至高下濤潺沔滄洲繪滿壁昕夕容

垂緡卷軸山石間天樂如衡門客來無雜語古義恒互陳
雅稱鳳借鶴守寒棲相鄰同聲幸早應一曲傳心神

詩六

重

避舍菴
公室



登樓山百回天樂吹簫門客來無雜語古義恒互陳

漸西村人初集

詩七

將之保定過蘆溝橋短咏

廣蓮花池作

別亮生

水生

曲池

定興道中懷桐廬

題慈雲寺壁

龍門精舍次韻沈約齋見贈長歌一首

目錄

簡汪梅村先生

士鐸

丙子十二月客居秣中惜陰書院連日大雪策蹇出

游溪谷間盡日乃返

病鶴詩

為凌高士作

題秦淮水榭所藏宮鏡

懷劉融齋先生

仿滄洲病瘦聞善決江河詩體擬作深山儕木石一

首

留題半山亭

半山今有寺豈卽荆公故宅後捨為報甯寺之遺址

避舍葢
公堂

耶作詩用公集送孫正之韻

贈董策三

簡吳丈師機一絕實藥竹西市
中後隱居甘棠湖

訓林學使天齡二十二韻

懷劉司業

贈唐提督定奎三十韻

壯詞

放歌訓胡觀察鳳丹

時客鄂州風狂不許飲良

調凌子與

江上

目錄

二

避舍蓋公堂

頭陀寺

鸚鵡洲

三月十一日自大別至鮎魚口風狂幾不得渡舟行

出險追書一詩

楚山

吾師

莊中白索題林蘭客館詩

有懷定林土山之游

觀安吳包倦翁為吳禮北書竹西求友圖敘吳君屬

予題後

雅克薩城

育育

五月五日

贈朱竹石太守

論文一首示同志

吳郡丞新闢東齋

贈崔碩父學博

簡辭提刑

書常

桂枝寓興

高伯足

心夔

劉泖生

履芬

雨中招集陶堂陸君亦至

目錄

三

避舍菴
公堂

酒罷獨游滄浪亭入印心石屋憩坐久之而歸作詩

簡三君

漫興

哭鍾子勤先生

重至晦村

東嶽

卜居

時假歸
桐廬

同志

桐君孤嶼

觀江濤作

至人

山行雜詩以虛疊非我恥五字為韻

追題王丈子穎種竹圖

答周桐廬一首

獨秀峰下村居

俞趙兩姓世為昏因

出世

次韻胡明經泛舟真酒兼別趙聶兩秀才

無錫道中望惠山

醉裏

夢游茅山寤而記之

贈高叔遲

稼軒吳丈比部七十生朝先期止客見其手帖歎為

目錄

四

避舍蓋公堂

盛德事奉寄里詞伏增惶恐

題畫絕句

冬日秣陵龍蟠里精舍作

結東

無錫道中望惠山

次韻胡明經泛舟真酒兼別趙聶兩秀才

出世

醉裏

俞趙兩姓世為昏因

夢游茅山寤而記之

贈高叔遲

浙西村人初集

詩七

飛蓋將之保定過蘆溝橋短咏

丙子

行行漸遠城西塔惻惻還思林下游疲馬也知人惜別緩

馱殘夢過蘆溝

廬蓮花池作

南池谷轉望疑賒北苑春來不可涯洞石疑羊橫臥蘚窗

雲如墨亂投雅林喧鸚母初棲架水暖鳧翁戲上沙且學

榮期行帶索為看花發帽簷斜

別亮生

詩七

臨淮幕府出羣才龍劍光芒首重回湖海十年豪氣在紫

藤陰下倒于梧

水生

二月十日春水生瀨鄉漫士蹋青行小艇才斜生衣臥

引山谷解杜野艇恰受白鷺一雙措眼明蒼石罅中珠濺

沫亂松堆裏玉鳴畏忽看籬落桃花發葉底江南無限情

曲池

折葦枯荷久卷聲綠玻璃涸曲池平忽逢春水生時節浴

鷺飛鳧俱有情

定興道中懷桐廬

四百灘頭舊釣磯
三千甲子一來歸
山靈寄語念行客
少日栽松今十圍

題慈雲寺壁

象行積淖須防縛
蛟在層湫或許曾
欲知宿命爭闕裡
見在生中苦行僧

龍門精舍次韻沈約齋見贈長歌一首

高歌劇飲聊噎噎
何似輿祀友挈來
緇塵浣衣燕市客
歸次海國顏方開
浮名殘秩畏見束
且押強均凌歐梅約齋
吾兄有狂氣碧鷄白馬言
恢恢不名一能絕滌滌欲鑄四
大窮胚胎坐懷利器困場屋
魚腸繡澀生莓苔

沈鄉試今報罷

詩七

二

避舍蓋公堂

文高摩太室闕

君近作隸頗道逸

勁句直撼凌歊臺
夜光藏芒魚

鼈笑飛電掣練童兒
唉同師興化子
劉子爬梳六菽甄
三才勿貪馬肝尋
大藥剗從鼠耳栽
修槐強懷旋張意
阱阻道岸俄築心
兵隕師獨不言
鑄羣物胸襟
雪落何皚皚
和風扇妍眾蟄喜
百昌茁地鳴春雷
昔者從游未領取
強執迹象尋九能
狂花客慧坐自縛
何能食氣雲霞堆
掃除頑空悟實相
翦落枯肄生
新枚齋廚杞菊自可樂
隨俗詰屈胡爲哉
丈夫貧無買地券
植根莽蒼甯非材
共分一日景光好力破千卷羣
疑猜相期師說作火種
歸注竹林兼玉

簡汪梅村先生士錄

垂老談經猶奪席淡言微出足排紛未親色笑先思索瀟
散精神一片雲

丙子十二月客居秣中惜陰書院連日大雪策蹇出

游溪谷閒盡日乃返

清涼寺前山迴岡起雪竹寒林驚麀竄雉前環積水不辨
涯埃長風蕭寥沈乎無止微見炊烟喜逢村市鍾山淖約
玉擘肌理襟帶羣岫容止俶詭俯仰揖讓龍翔鶴跂八功
德泉白石齒齒遺蝗潛墟年穀將美蘭根薺麥粵榮含紫
陽氣嚴藏地脈隆施駕言出游登頓遲迤探奇出腐陟高
由庖優哉游哉聊復爾耳

詩七

三

避舍益公堂

病鶴詩為凌高士作

翦翎送籠裡因之著鶴言與物無競心疇能妨神全縱有
掘堞厄可作江湖觀何當堯年雪病翎仍垂天

題秦淮水榭所藏宮鏡

白鷺洲翁朝撒網銜魚腹有古青銅多情還似南朝月曾

照臨春花樹紅

懷劉融齋先生丁丑

神山有鳥曰鳳見則聞浮大穰四相莫名東郭一隅自媿

田方

又
雪霽千巖洞徹梅開一樹槎牙欲問尊師何處蒼蒼海島
烟霞

仿滄洲病叟聞善決江河詩體擬作深山儕木石一

首

未決江河頃冲瀾野老諶石淙苔澹澹木脫鹿悵悵或就
陶家飢閒隨曠者吟神從形影釋緣絕去來今靜得超然
趣虛涵太上音渾然游善始復見沅雷心

留題半山亭

雲水晴空澈其寒可洗心碁荒石枰壞寺古定林深久許

詩七

四

避舍蓋
公堂

白漚鳥誰攜蒼玉琴人間有異境韶漢一聽音

半山今有寺豈卽荆公故宅後捨爲報甯寺之遺址

耶作詩用公集送孫正之韻

山石寵從碧成圍如牛飲澗熊登陴陂迴徑轉至者誰獨

與眞宰相邀娶高詞絃俗古所悲字說誰識衷之旗公晚

說謂形聲皆有義教必自此始能知此者則於道德之意
已十九矣黃庭堅稱其文簡義深許氏說文之見重於世
自公始發之觀土山示蔡天靈湫之泉涸無時窮源孤往
啟詩東京一祭酒云云可知

吾行規

有帶不羨萬釘圍俗士蟬噪無完啤公文隊仗莫敢誰切

二

深往復窮酣嬰市易新法良可悲厲階兩呂張其旗誤公者呂

嘉問呂 惠卿輩 鷄披隼翼非一時晚悔奚及疇公規

三首

兩定林閒非鐵圍昔割郭外今環陴捨宅偶耳誣者誰曲

筆未免工詆嬉梁摧鳳去卻誤悲折芳拔荃傷桂旗源公

僦宅城中時臺傾餘竹安可規李穆堂先生辨宋史傳王

賦誣暴然世傳荆公晚年夢 勇事非其實以歷仕考之

宅爲寺以祈福恐未必然也 公元豐七年甲子夏屬疾奏

乞以宅爲寺疾愈僦居城中 宋時江甯縣治後廢惠民藥局卽其地見李雁湖注

四

溝西擔土山陸圍德水瑩淨巧穿陴招邀楊德約逢段之餘爲

詩七

五

避舍蓋 公堂

誰割青遙對亭可嬉晚依丙舍邱首悲冷城寒食風酒旗

騎驢渺渺荒蹊時架牒作屋今餘規

五

西陂種松今幾圍寒雪一頃竹壓陴風泉自吟知和誰元

豐老人衍以嬉讀元城語我心悲者欲眾蔽樹降旗靈臺

勿極自有時性行天得公予規鄧公元城語錄云金陵亦

利不耽聲色與温公 非常人不愛官職不殖貨

同唯論新法不合耳

和前韻

歸安 凌 霞 子與

霜筠雪竹不成圍公老穿斲鍾山陴秋港揚舲繼者誰微

之秀老追游娶俞秀老王微之 墩荒石泐幾懽悲目窮今

古疇能旗高誦云春蘭秋菊又一時有欲求之慎前規

又文昌潘存稿初

長松怪石皆十圍上有散人倚城陴虛空綠耳跨者誰尋

常險語工舐嬉臨川捨宅齊欣悲山靈乘風載雲旗申商

猶可拯秕時要以方鑿濟員規莫且生刺母氣如戲滿衣

益氏贈董策三路歸歸同異崇錢營營日舊翁始壽對對

連牆不記別經年往事迴思輒悵然卻羨壺邱顏色好養

空能作幾重淵自思激有以益興出交第賦每其賦賦

簡吳丈師機一絕賣藥竹西市中後隱居甘棠湖

如今世上悠悠目豈識人閒有傅霖見宋史張詠傳小市支門朝

詩七 六 避舍蓋公堂

賣藥壺天收得一身深

訓林學使天齡二十二韻

未窺閩學大漳浦有傳薪甯化差晚出安溪如可津璣誰

三易洞堂惜二希堙祖述推孤詣華光直重臣餅庵常愛

孟左海雅申陳經說論同異崇筵贊智仁舊儀放壽杖故

事用蒲輪水旱頻憂國租庸恐瘼民上陳丹宸戒迫游赤

符辛遺補迴旋地艱難啟沃辰左高箴蹟職中祕釋師春

龍節俄分使烏號痛言晏巡迴思霑賜筋翻憾隔征駢

任滿將瞻 聖廷推復借恂除書重命巽溫陽惠正

闔屯簫勺興儒術軒頓病身綠圖資應召白虎議兼句

下走貧如憲相向意荷歎五更東冶望一棹北江鄰知有
壺懸玉虛蒙管鏤銀歸然親道德迥爾聽韶鈞挂席終愁
別迴車昨枉塵別迴車昨枉塵
他時欲作劉公敵芒屨穿雲入夏峰無水無山何礙隱眞
清始信物能容他時欲作劉公敵芒屨穿雲入夏峰無水無山何礙隱眞

贈唐提督

定奎

三十韻

唐合肥人有勳
台灣番社功

莒國圖烟閣荆川刻日夷晚餘孫卓犖能辦賊離坡忼爽
才何限影搖略自奇雙流肥水異列宿總戎麾願盼熊彪
逸縱橫虵鳥遺五丁搜仗庫三甲識雄姿龕暴頻乘障行

詩七

七

避舍蓋
公堂

軍夙應規金行迅雷薄玉帳極風移元菟看敲劍朱鳶待
勒碑鏡歌常助陣敕勒略工詞鹿耳俄傳箭蠶叢孰陷鉞
狼貪心不靖烏語面從髣獠燧侵鮫守凶鋒起豕狂
廟謨思猛土地利拓巖陲斥埃噉蘭警防秋新竹資然犀
青草瘴飲馬白鹽池拾甚齋糧速燒荒渡竿遲澎莖輸白
藿裸酒酌紅蠶轍覆延平鄭功銘靖海施渴餒椰子醬倦
枕木公皮穴掃羊頭嶮城摧獸角危蒼銅標一柱火箭熱
千枝車詔賜功臣服師還外海旗勞勳銀鑿落飲至碧
留犁斂抑宋然美忠純向寵期論階積影羽戮力慎交綏
剖竹騶諸國崇牙漢尉治更番持護節特達上穹輝予亦

思擊鼓君其簪羽儀聲詩鐫賜廟刻畫不辭爲

閒騎漠北騰馬快挾淮西健兒插帳欲過蔥嶺拔刀還勒
穹碑

又

箭落山鷄羽赤柳生左肘痠青艸檄方書颯颯登封旋侍

亭亭東西樂封而舞星大小巫壇三教焚香亂舞不

放歌訓胡觀察鳳丹時客鄂州萬里來入

金華山中紫烟客招我名園坐瑤席平生踟躕五嶽青飽

探宛委二三策黃鵠磯陽天下無題咏鐫鏡徧厓石致令

詩七

八

避舍蓋
公堂

鄂渚播清名何用朱門拓霜戟吉金樂石無不有寶刻陳

思此遺鳥自言欲寫七閣書擲簡搖臺氣旁魄相與勤斟

拋青春還念家山老魚麥挂席東溟萬里來火輪似卷銀

濤堆東西梁排兩蠓屋大小孤歷三蓬萊匡廬瀑布不可

見洞庭欲瞰青崔嵬要當南去窺衡嶽縛茅雲谷燒松煤

海水橫飛賈胡舶芳洲疑出秦時灰登臨景氣開樓觀文

酒誅若窮諧該楚天三日黯霧雨卯鷄三號聊起舞渡江

誰是阿龍超不然歸釣幽欄戶試問蒸食槎頭鱸何似狂

尋石鍾乳富春山剖乖龍股待我江邊萬梅樹若遇黃初

平牧羊爲注丹牀大藥譜遲爾金華仙人上下古

調凌子與

幽人自號為病鶴卜居莫釐第幾峰
區裡詩餘幾芻狗壺中杖跨一茅龍
若非梅尉門前住定向公超市上逢

江上

漢皋明珠月皎皎江上雜佩青珊瑚
疑有神斐張水戲遙知羽客栖雲閒
塵霏小劫一黃鶴貢貢大秦雙白環
烟濤蒼茫意不盡矯翮萬里成孤還

頭陀寺

修竹多映水好雲慵出關
寺殘無鶴迹碑古有禽斑
苔滑月離畢松鳴風落山已荒
王巾頌自哀勝情還

詩七

九

避舍蓋公堂

鸚鵡洲

鸚鵡洲前芳艸稀楊花如雪逐春歸
大隄三月紅芳歇縮住殘春莫浪飛

大隄游女戴餘春蜀舸朝朝賽別津
目斷靡蕪山下路桃花濁浪送行人

春愁浩浩集芳洲不見畫舸向黃牛
隴山一賦真淒絕應遣長江咽不流

三月十一日自大別至鮎魚口風狂
幾不得渡舟行

出險追書一詩

驚舟簸復橫白浪若衝城帆逐鳥邊
渡人從魚腹生騎危

百靈集出險一身輕孫立空山柏輪君無世情吳淵穎詩大別古柏

如立 孫吳其笑主人為語 楚山式九不登時 楚山式九不登時

楚山

楚山鮮翠不知名送我扁舟江海行倒景玻璃天割碎盤

空瓔珞石橫生風帘白墮三杯醖雨鋪黃陂一尺耕卻羨

結茅洲上住魚曾晴曬綠楊城

又

柳絮白吹沙際浪花黃入渡頭雲中流忽見楚山影上

有幽人喚不聞

吾師

詩七

庸俗息眾毀吾師陸合肥陸祁係詩一 亡書池北憶倦客

竹西歸雨樹榆生耳風園竹解衣行勝真可隱生事亦無

機李申者先生詩願借 雙行勝以為安樂窩

莊中白索題林蘭客館詩

林蘭彼何花花以名人重拓室裁丈餘清夜聞孤諷注緯

羣疑茂擬予名理洞君草易緯八種補注又作大 奇撐方

介立瓊梁發佳夢破寂聞幽香瞥見桐花鳳膝瘳牀幾穿

言高箭微中五十不登朝鄉州誰辟貢客土根未危臘雪

狸尚凍莫笑主人貧龍鸞翳雲韃去年淮南饑流亡廢春

種寒樵亦栖栖萬卷付覆甕何日主林開一為王者用

十 避舍蓋 公堂

賦鮮支黃礫鮮
支卽林蘭花也

有懷定林土山之游

八功德水迴環抱竹覆隆冬夜雪深偶倚檣梧禪智寺猶
疑把臂入荒林

觀安吳包倦翁爲吳禮北書竹西求友圖敘吳君屬

子題後

倦翁縱橫家深曉城旦書函牛鼎苟沸蟻足安能濡惜哉
時不識長轡委通衢吳君淮陰彥竹西來徐徐涸翁客游
此媚學亦有徒餘菽八法授游刃萬物初密麗馭性道純
深父唐虞眞風已告逝衡纘乃塞途求古澹已足懷賢實

詩七

士

避舍蓋
公堂

起子閉門觀內游六籍權有餘寄語後來者其毋撻世譽

雅克薩城

聖德神功古所希九朝柔遠頌康熙鐵菱寘挨三韓戍銅
柱鐫銘五體碑豈爲廣輪通象譯曾聞方俗革魚皮

景陵自有安邊策有道由來守四夷

育育

育育魚龍浩蕩吞千紅躑躅弄歸人扁舟蝦菜君須計莫

待然屢始采薪

五月五日

佳節應沿屈清時匪涉江敢辭旅人役未遣壯心降歌舞

竹西異流亡淮北
隄綠荷包楚纓
綵縵繡吳絳香飯
準提散疏鐘禪智
縱終憐農望雨村
鼓聽絳絳

贈朱竹石太守

文饒起蔭任天姿
稟勁拔偉思霄宇
崢壯圖波瀾闕丁甯
平泉營大制河朔
割從容資坐謀風
流自宏達君乃慕
文饒門才出勳闈
高言厄時趨藥論
求國潛丞吳仰短
轅伏櫪恥受秣欲
刊會昌集力斲世
議聒一世習脂韋
圓曲相响沫利器
以時伸君相求若
漱脫非猛虎強何
以別箭栝方當諭
澤潞豈忍誅悉怛
走雖鉛刀材亦欲
睹迴斡疲茶慚早
衰歌商猶激越請
與盡心期緘情望
天末

詩七

七

避舍蓋
公堂

論文一首示同志

文於一氣中吸萬物之精
二儀始鑿度七緯遂分形
縱之扶塹贖衡之絕泓
崢力能弭愆伏理亦佐
平成先王業久荒夷塗
塞榛荆識路當疾驅裏
糧遂徂徂徂征豈憚遠
前聖之所營初從經流
大搜鑿幽瀾潢交潑別
汜泗異味判渭涇洗洋
絕大壑冥心治舟杭或
探獨角虬苦戰修尾鯨
禹迹所不到應龍爲之
耕精靈閔水府絳節相
導迎參差討異派瀾漫
得周行始窺豫章根蟠
地絕厚藏視之大蔽
山我目不得明一一尋
枝葉遂識柯條昌斤斧
慎所施沈精謝飛揚中
誠旣洞達所得巨棟梁
面勢審曲直圭景窮

短長鉤量幾年歲層臺麗飛螿八窗呀且豁青陽連總章
智者覬其巧愚者迷其方勿以經流大而蔑汶與洗勿謂
豫章材而棄堂密樅先難後乃獲由埜躋崇岡積久源自
充左右萬象呈菘然道亦爾勗之慎勿忘

吳郡丞新闢東齋

泊宅何所適久爲僮僕嗔高齋遇花竹危構敞精神靜得
濠梁趣喧無京洛塵賢哉陳仲舉容得漫郎身

贈崔碩父學博

荆溪人

績文今見崔斯立寄命荒庭柏石閒賴有朱游爲地主免
嗤樵隱不同山

詩七

三

避舍蓋
公堂

一任胭脂遮法眼崔有目疾猶能十石挽黃間擬從陽羨同輕

舸去訪赤烏封禪山

簡辭提刑

書常

歲源庚申往邊思戊己才魚羊千騎至貔虎六軍摧諫草
牽裾切班心斷鞞陪一臬方逞毒三蠶亦沈猜火徹昆明
涸芒搖太白體

翠華行獮狩赤翟擾毳毼淀苑遮留數灑宮氣色開留防
期自效扈蹕未兼眩撻伐遺中冀陌危斥上台竹符俄出
守糧料更行臺唳鶴昕宵警飢鴻慘澹災俱張輸幕府飛
輓積京垓遂典淮揚備頻蘇決塞災去思餘召埭行部武

顏坏察吏如操溼煩條革棄灰惠文增秩貴決比引經裁
亭有滄浪古工興瓦礫堆林泉洗佳趣水石韻流杯

帝力安耕鑿儒風出燼煨憂難忘莒卮銘欲刻涪隈吳市

輓如寄夷門駕一迴因公談往事屯難感雲雷咸豐十年七月京師

戒嚴詔以周公祖培等爲團防四大臣先外舅辭淮生

侍御及提刑等十人副之提刑與外舅同抗筵諫止北狩

八月初八日大

駕始發將幸灤陽

桂枝寓興

桂枝北地好萬里還傷別卻憶急觴傾菖蒲花九節

高伯足 心夔 劉泖生 履芬 雨中招集陶堂陸君亦至

酒罷獨游滄浪亭入印心石屋憩坐久之而歸作詩

簡三君

得隨盍簪樂復有續巾懽朝來滄洲逸把臂青林閒劉龔

鄰州彥高鳳振修翰近得陸生逸乃試楚枝官情語未及

半酒殺羅玉梓汲古無近癖傷俗有悴顏竹實未遑采枳

花亦羞餐遂令陸沈客未有平柯安稍辭入林薄紆曲如

登山仰捫蒼石壁俯聆鳴玉潺脩脩驟雨過濯濯落錢斑

名賢拜石像左右森瓊璠篋尋陶公洞結想切雲冠集賢

追謫籍遺聖寄平寬世議豈終揜風期如可扳人去修竹

合亭摧飛鷗還寄言慰吾友聊作記游觀

漫興

飢貧與訕毀排日讎肝腎賴有古心飴充然堅城楯氣勢
兩相剽戰勝拓町眵非譽不敢懷蹟遠如可準齟齬誠難
合參差勿求浪醬甌噉覆僉石鼎嘲竅蚓相知于載上惟
郊愈勉黽不欲誇麾幢相期嚴鞞鞫鬪鷄莎柵謹拱鼠城
南賑遇感雙鳥囚情豈五漿紵何傷國子齊勿斥申嘉贖
薄俗乃不然語竄藏隱嶙紛予倦行役二毛漸凋今北上
候火流南來源霜隕汎梗慚貞堅寒栖期菌蠹漫刺慵叩
關遺經旋抱糶犀首空說秦猪肝誰饋閔終遺外物游一
逃狂泉窘長嘯竹林游吾宗睎袁尹

哭鍾子勤先生

詩七

五

避舍蓋
公堂

道帙俄長擯講筵嗟已沈正詞五宋石傷別雙南金竟抱
不傳逝誰能微學尋窈冥東海曲末技媿知音

重至晦村

綠篠依荒岡白雲媚幽石先公此游釣寂寂經行迹山
阿悵復來溪風撼林夕

南園小居

時假歸
桐廬

長安市中戰枯甚知北游篇賦復疑欲投坊郭耕綠野又
苦求羊無和者形容略變性靈存白石蒼松常對門漸損
佳游山水癖時親老圃笑言溫無田空羨躡鴟沃無竹難
營待鶴軒旅庭葵穀不論直荒井鹿廬無復存儉歲驅人

逐黃鵠名山留我佩烏隼求仕非嫌去豈高古今眞士共
賢陶何妨避世金門去不用鷺鳩巢短蒿

桐君孤嶼

危峰峯起削青成似有羣仙抗手迎日出常疑塔光現雲
來時挾溪聲行窗中一水浮衣帶洞裡三生訪石枰我欲
山中聽齋鼓安心未肯學屠鯨

觀江濤作

晝則眾竅皆號夜則眾竅皆寂惟爾萬頃雲濤終古雷轟
箭激

至人

詩七

去

避舍蓋
公堂

世緣常有焚和厄道術便於斷際歸莫誤千金譽作散勿
爲五技鼠張機何須辟穀追黃石不待穿雲入翠微但守
至人眞訣在非眞非俗兩無譏

山行雜詩以虛疊非我恥五字爲韻

曉策采藥路俯驚山魍居行人度木杪影落碧潭虛

野葛習爲食枯碁累作臺何如白茅屋危坐對空壘

海鳥六月息木客三旬飢微聞天樂妙未議物情非

煩惱樹無枝堅牢船不柁伐樹作船無佛捨藥餒我

擘噏無斗儲乃挂瓢於此且復酌溪泉瀝泥吾所恥

追題王文子穎種竹圖

縣南子猷好種竹風日竹間勤曝書卻憶持竿釣東海三年欲膾長鯨魚風梢霧葉不可作壁上墨君飽松腴而今咫尺河山感林下欲答秣陵書

答周桐廬一首

桐以木氏縣蔥蘢溪壑美賦瘠戶皆貧俗疲紛待理覲茲元魯山政成稭月始何以訓令德山精獻芝紫繡峰爲枕屏白雲當戶起松作幽人筆筭成君子履華軒旣見臨來暮歌咸喜竊慕澹臺仁非公未嘗至

獨秀峰下村居

俞趙兩姓世爲昏因

牧童晚唱隔溪聞一片溪流入野雲恰似朱陳通嫁娶不

詩七

七

避舍蓋公堂

知人世有心絃

出世

出世仗天性漫胸有古悲支離畏世網宵眇隔心期閭里稀舊識卑栖無定枝醬翁與篋叟倘亦有吾師胡良詔來次韻胡明經泛舟真酒爲子餞行兼別趙聶兩秀才買艇溪頭將欲行合江亭畔話離情笛中高唱雲先住簾外微涼月漸生厓石夜看飛欲落漁燈遙指滅還明徐方舟恰芒屨至集裡新詩送客成

渡頭一樹柳微黃浩渺長天遠水光服食便當尋藥錄築堂眞欲待聲郎紫葵紅蓼園今廢白石清泉興未忘不爲

故鄉生事儉訪奇山澤待攜糧
欲逐野雲栖絕島起看江月挂疏林投鹽著水喻詩味枯
木彈絲舍別心濠上游儵輪子樂窪中柱酒爲子斟遠游
一賦眞無奈浩蕩羈懷此夕深

多謝高情出里閭五漿欲餽大瓢儲未妨乞食耶茅屋時
復開尊引翠裾閩世何堪繫馬止忘機眞與觸舟虛暫游
決棄冠纓返無數青山環舊廬

無錫道中望惠山

曲曲帆迎面面山聽松庵定壓孱顏竹壚問訊今無恙欲
載千巵乳水還

詩七

六

避舍蓋
公堂

醉裡

愁中每覺霄垠窄醉裡從教屣屣寬耐辱而今號居士梅
花釀透者番寒

夢游茅山寤而記之

玉礫金沙粲可數蒼官青士相對閒閣中逸老不知姓八
士梨棗生朱顏天風吹松自宮徵水樂遶門成珮環我欲
叩關石躡合日落歸牛初下山

贈高叔遲

幾載同書局盤供苜蓿俱飽餐少施氏恥逐陶胡奴貧守
一編好書從三絕慕閑門綠苔上高枕夢蘧蘧

亭林先生有辭生日書今稼軒吳文比部七十生朝
先期止客子見其手帖歎爲盛德事雅蒙誤獎不能
無言奉寄里詞伏增皇恐

卻掃懸車已卅年講堂風日集三鱣澹栽花竹通和氣倦
枕圖書有別天杖倚朱藤修日譜文成銀筆謝時妍太常
詔起曹褒議會讀先生學禮篇

東閣一登爲相掾西曹再入又臺郎並時名輩存今獨垂
老新詩格更蒼散穀如聞鄭公業傳衣敬爲潘山陽
先生高弟子何時汎棹淮壖去試叩靈臺大藥方

題畫絕句

詩七

五

避舍菴
公堂

誰與擺脫此枰中只惜登場欠國王樵斧吹枯能幾局不
如收拾隱牆東 觀弈寮

泠泠松吹夏寒玉前者未終後者續道人茅閣眼中成攜

一枝藤下烟谷 聽松榭

冬日秣陵龍蟠里精舍作

偶尋餘霞閣殘竹但蕭森經師渡江去昨動還山吟 慰師
荒岡閉晚市寒水明遙岑卽事無賓主超搖一散襟 近除

無言奉寄里詞伏增皇恐

大樽出客子見其手帖歎爲盛德事雅蒙誤獎不能

亭林先生有辭生日書今稼軒吳文比部七十生朝

漸西村人初集

詩八

讀東洲草堂集題語

舟中觀內子畫海天羣島因題一絕

題所居示尊甫

壽義烏朱丈詩

園花

哭王少梅大令

汝霖

庫頁島

聞俄人經營其地造船築砦故作是詩

秋暮游西山得詩三首

目錄

夜登翠微山絕頂

避舍蓋公堂

戒壇松

潭柘泉

招鼎父

方烈婦詩

槐廬前示尊甫翰臣先生經德堂集校畢招飲兼示

新詩牽勉奉和並簡韋君伯嘯

雪中簡松岑院長用韓集寄崔二十六斯立韻並呈

精謝夢漁給諫

戲書壁

懷桐君山中歌

二十八宿研歌效涪翁體 為張生作

戲題學舍

目錄

二

避舍蓋
公堂

題題為舍

二十八宿研歌效涪翁體 貧賤世非

題題為山中歌

漸西村人初集

詩八

讀東洲草堂集題語

戊寅

抉石怒貌搖嶽動渡河香象徹流明道州書勢已驚絕秀

句況如春景晴

舟中觀內子畫海天羣島因題一絕

海山點綴如螺殼鎮日浮空縹渺青多事成連裏糧去何

如豪楮攝真形

題所居

河小難爲九里潤

子以春暮復入都
僦居近三里河

身閑收得一堂深未

詩八

一

適舍葢
公堂

妨市隱不歸去糝徑槐花伴醉吟

壽義烏朱丈詩

沈溪蟬衍華川靈長篤生君子邦家之光射于澤宮有蔥

佩玉惟獨也正超然其躅兩掌學職生徒祁祁考業即安

旣去而思入刑于家方矩秩秩在約彌寬課幽斯密樂只

君子所以黃耇繼起騰驥保艾爾後匪爵是崇惟德之從

匪服伊華惟氣之冲出觀于國後進法式太圭元酒不醅

不飾辛壬之際有盜綢州嬾廢其織叱荒其疇縛人如麻

空村鬥犴全冒救之累繭重軼芟夷羣醜自君發之事定

勞成不名一辭山堂卜築油素幪千詎禮稽樂家自爲傳

丈識于堂寒鼈俾豚天秩既飭地賺以尊丈游于山喬佺
列居金華石室神仙所都溪有仁禽山有禮獸福生無爲
陰德斯授廬山之高繼美劉君樂只君子造家其勤

園花

丹沙點漆漫庭砌璫細園花不足科留伴村翁籬下酌科
頭自唱夏峰歌

琴家夏峰歌舊題尹芝仙作乃容城孫徵君自寓也蓋

空同道士鄒訢之比

吳王少梅大令

汝霖

勾鹿書來已隔年無端神理失綿綿才猶未盡黃閒設名

詩八

二

避舍蓋
公堂

憶同題翠壁鏘試作騎兵言戲耳况聞盜課氣無前時艱
正待收羣策忽漫短生隨化遷

君爲崇仁令
以盜課考最

往時載酒西湖埭痛飲頻遺石上簪夜注虎鈴論遠略朝
參龍躡挾仙心重游已是山陽笛再鼓那堪子敬琴更欲
將書訊南使送帑井力誰任

庫頁島

聞峨人經營其地造
船築砦故作是詩

冰壑凌兢絕塞烟累朝盟北靖樓船東西尉候三萬里

神武康乾二百年天柱氣凜長白壯地球脈注混同偏但
期梁策冰夷駕會遣波長精衛填

秋暮游西山得詩三首

竹汀錢先生云游山是尋樂
事作詩乃自尋煩惱至哉是

言得大解脫與之所至鬪臂打油
不足云作至於煩惱或冀唐捐

夜登翠微山絕頂

渡河試參象兔力登山誰辦龍鹿躡青林把臂一忻然其

漱流泉浮玉壘吾師內觀刻憂端

南皮張公

七客外游窮繫表

竹坡繩斧伯潛敬輿再同

及翠者武夷道士葉少懶
列炬照灼驚潛虬塔鈴參差躡

飛鳥欲攜元圃無言子巖廊窅冥獨見曉稍和嘯侶跨山

梁

同登者三人以樵夫導游

徐領樵童度木杪霏霏滴翠杉松冷漠

漠生烟城郭小何方清磬答鯨鏗上有纈林覆龍湫道人

定心不畏虎延客入觀月皎皎爲敲石火煮新茶泉味甘

香勝清醪蒼藤古洞不敢捫飛檻橫空山氣縹夜深綠霧

詩八

三

避舍蓋公堂

沾人衣野電穿林暖震掉鷄鳴月黑下山去天扉訇然翻

思矯明朝更渡桑乾河馬上天瓢測多少

戒壇松

去城五十五里近天色巖淨還春容松排曳落河十輩寺

鑿耆闍崛一峰蒼皮磊砢多節目元氣迴薄無春冬欲投

香飯流杯渡壑舟何許泉淙淙

潭柘泉

學山與山同靜氣懾材虎老松如古德疎揖蓬萊股天憐

蒼峽瘡孽破玉龍乳飛鳴濺琴筑巖鑿靈府語鏗錡太廟

樂霽憲石車雨萌芽拆寒癡奔笮中宮羽真源衣帶長傑

閣苔蘚古經流互隱見三淵翳復吐漱甘乎釀春睡綠寒
通戶有時琴高生潑刺潭底宇上滲青楓林下注黃獨圃
出坎入坎雲無絃有絃譜枕之三千炊濯以丈二組一瓢
瑩我心淨正不可腐

招鼎父

葉公好似轉疑眞華實不同眩朱碧知音者希我誠貴越
石所以甯削迹豈知世并少葉公將相俛眉無揖客秩微
俸薄食指殷季虞官錢無足陌飾說干令本非賢抱甕澆
畦復愁瘠連牆且喚朱翁飲相眎而笑神不隔能誦皇墳
見亦罕况乃曾同湖舫席穀北漸西不歸隱撓西山雲抱

詩八

四

避舍蒸
公堂

白石桃雖未熟許同嘗冠縱難彈求挂籍球時未睹日中
葵學道還睎山下澤殘生傷性復耽書戊夜檠微雪窗白
槿籬植援動高興菊埭吹花恣浮拍人生有涯烏過隙歌
呼坐忘在陳阨黼藻堯禹自有賢咀嚙圖書但償癖望衡
何必非老龐共宅夾沔權今夕一杯相屬君莫辭竹月泓

曄盪精魄

時與鼎父
同廝舍

曄曄方烈婦詩

有敘

出子友陽湖方恠子謹彥聞大令孫予嘗稱其爲人如
春巖融雪晴瀑挂松者也媚學善屬文器識超然夷
曠意其必享高爵長年今歲暮春右輔旱疫遽嬰疾

委化于樊輿書局年裁壯夫遽爾摧折昔魏太子謂
親故罹災一時並逝今薊北淮南有數故人皆以疫
故牽連鬼錄子謹其一也吁可悲哉烈婦趙乃康熙
朝御史大夫謚恭毅公仍孫強項牧名烈文之女以
方君流離姻媾故留其父家居虞山下聞之哀慟動
其家人屢欲自鳩以有遺腹勸止及舉之女也孺人
傷宗祏之幾殄悼逝者之志不伸鬢經未虞雉經以
相從于地下所司以狀聞于朝太常旌焉吁男子
不死于婦人之手婦人不死于男子之手方君法度
士不離輜重非積私昵使內人行哭失聲可知乃能
致其賢婦竇敬矢幽明不豪毛相負若此然則君之
賢其痛可知矣獨哀君法宜久眎而短折不延宜光
大而懷奇不曜宜有後矣而寥落無子姓豈高名將
懸于虹蜺鬼魅妬之而靳夫庸庸者之報耶漆園吏
有言人之君子天之小人芒昧之故非子敢知已作
烈婦吟以追悼方留其父集

詩八

五

避舍蓋
公堂

嶠山趨晉興百折入蒼海中有連理木柯節日碗礫不獻
瑞應圖翻隨校書郎君在交河陰妾居虞山陽願爲蛇憐
夔願爲蛭負蟹六氣采朝霞兩地見明月明月珠不綈飛
霞佩難齊薜蘿涉長阪垂柳覆金閨旣得結終始尊章去

影忽與君奉蒸嘗攝事莫無闕團團南榮桂實蠹花如銀
纂纂東柰棗赤心同苦辛法物不在廟飛黃不在廐勁幹
凌北風歲寒非早秀君來草始腓君去歲載華秋帳警黃
鶴春陸沈龍蛇不因燔湘竹何知汗簡馨茗茗夢中路磊
磊曙後星委蛻非我有中腸幾熬煎崩城非我潔何以明
帽帽徘徊復徘徊自挂孤生樹淚流妾安歸血迸公無渡
蹈海水爲竭望山石爲枯乾笑負國者徒有如戟鬚我欲
述雙壁清風動林屋勒銘北江厓上激振鷺渌

槐廬前示尊甫翰臣先生經德堂集校畢招飲兼示
新詩牽勉奉和並簡韋君伯謙

詩八

六

避舍蓋
公堂

臨桂好詩兼好客舌如電光氣磅礴先公一卷冰雪文願
我校讎讀之百桐城文格歸嶺表

梅柏峴
郎中語秋菊已謝得霜

柏晚餘吾兄蒐舊聞日下郎潛困常格尸居久矣不挂眼
腐鼠徒勞相恐嚇偶然開堂眞尊酒錢乏準衣貧不惜豐
車肥馬未爲賢長劒切雲豈辭瘠坐論台北與安西人臣
之利非上策憂時有淚井鼃笑忘象無言小孺唯傾囊且
買日精花芳曜開林亂朱碧發興豈讓東籬翁祖謝周劉
共爭席蕭辰何必盡重九雲月清燐盪瑤夕昨來示我驪
目寒四百廿言草隸適勁句洒如松下風殺字盤紆復跳
擲嗟君才旣了百人且勿耗心文字役文淵器大事可爲

浪嗤朱勃早通籍韋子靜者君有連五字蕭澹七字妍袖
中各有南風手何不補取良皇朝武功饒吹簫豈若東
城儂圃叟長鑱白水耕蒼烟

雪中簡松岑院長用韓集寄崔二十六斯立韻並呈

謝夢漁給諫

北平幽栖雪掩關萬樹皴玉失西山學舍欠伸簷壓帽子
乃叢書於其閒戶曹卻掃日湛飲故將綠酒澆童顏端公
十年未一轉有如老驥滯天閑數奇由來老少共寒女白
絲遺蒯菅天扉公相涉時了氣嚴語簡安可攢劑露酌陽
格災稜飛靈降澤羣疑刪吾儕安居觀物化藏器默與時
迴環朱鳶盜兵會龕定天山勒銘甲罷環乾坤清夷利登
進豈終蒼遇遭天慳獨令商歌凍破屋三冬蟄臥如蝨頑

戲書壁

昔爲東城圃叟今作冬烘學究有時獨速牛歌偶署支離
馬走山肩霜聳疑寒河面風吹未皴任從米汁逃禪竈婢
不聞莫詬

懷桐君山中歌

江上巉巖之深山欲往從之絕坂援厓傾谷暗暖鳥怨青
楓赤葉攢其閒林衣紛掣見玉宇上有落日浮雲般但聞
寒泉琴筑凍復垢潛出石罅衝潺潺聞君齋糧海上何時

還木食礪飲空閉關陽巘嶺屹元熊白鹿走其尸陰壑凜
冽黃精赤箭覆其機胡爲燕趙浪馳騁夕雪沒髀朝忘餐
薄田二頃豈難覓椴木三年行可黠坐令樵牧思君嘸疑
作老鶻霜拳巢石壇寒栖隱士著蘿薜致君招隱歸來篇
不然投竿西入瀨珊瑚樹長垂闌千洞天福地有如此胡
逐塵堪凋朱顏銅川仙人王無功猶憶弟妖思故園池臺
井竈底閑處孤此竹樹青檀欒軒轅外臣桐作姓移文京
洛厚相諍江上梅花遲凍輪磯頭蝦菜望歸榜笑謝山靈
展息壤買山且須後期請試坐東軒一臥游霏紅拂黛圖
凌映西山一勾當瀧泉異地何曾失泉性

詩八

八

避舍蓋
公堂

二十八宿研歌效涪翁體

爲張生作

角磬泓崢一規研擘之不舍石飲箭亢旱七年此屢漑藏
汝名山潤井磴氏羌解辨羽檄馳功成元圭捧天墀房山
石經字斫鼉羅縷道妙隸與蝌心之囷囷銘汝背玉帶錦
暉備十賚尾生哀汝如申徒再捧石丈割雲腴箕張聲謹
蒙世哢獨仗端公如石友斗落泉源不可破珠璣萬斛洒
淋漓牛耕偃游四科耦抗志不數麟狩後女媧遺礪泣五
精昆吾鋸屑霏元英虛期草涎回天意空復鉏奸借前史
危言嶽嶽動九天劇談混混鉤三淵室無一丈能搢地研
池無涯惓爲餌壁藏豕鏹資爬搜意氣於今無匹倚奎章

閣吏草新銘神采爛似山元卿叟故釋輓取奉春我獨胡
爲手將龜胃爲天倉有高廩深禱來年應倍稔昂作天街
拓雲構研都擊下輪般湊畢陳古物敦與劔九能大夫來
勒銘觜螭負屨輦樂石三體經生網遺籍參文度樣互相
稽熹平斷爛開成隄并封咨汝離石君礪治高詞儷皇墳
鬼鳴啾啾粟天雨墨碓飛花研山澗柳材非冢蒙器斲南
皮經師猥收錄星星未見尙黑頭載酒問奇行不休張生
二十準文賦傳研藏之供箋注翼然二俊成一軍突過三
張硯將然軫修道遠予壯悔同乘糗槎浮學海

戲題學舍

詩八

九

避舍蓋
公堂

目倦一丈室窻穿六尺牀我非病維摩嘆此火宅涼又非
耄幼安皂帽倚隱囊一日復一夕柴立未渠央市聲塵屋
山短繁昏吐芒奴星三來饋或觸屏風僵伊優秋蠅語聒
沸夏蜩吭坐如枯松枝舌欲弊廣長將梗彌明喉渴竝太
官漿誨爾子無貌嗒然吾已忘向來腸百恠十索不一償
媿乏嬰兒色復督町畦方內和不得出外韃政爾妨俄看
綺避雁莫遺穀亡羊洄洄冰語岌切切參呼商象受佛械
縛鳥失天風浪一笑傷野性再拜陳後堂將辭窳厥游脫
若驚鳧翔

漸西村人初集

卷之六 詩六十一篇

詩九

灑上舟雜興

昌化人

續咏

昌化人

昌化人

戲簡松岑

趣作篆

昌化人

哭張牧莊

學士

禁城全椒

寄從兄新之

張君立生日詩以勗之

送友人之粵

目錄

名子詩

座師孝達張公生日作

寄孫太僕丈

答譚全椒

壽休甯吳學士

李壬叔

善蘭

七十初度

贈寂照寺法雲長老

昌化人

久不作詩拈筆短述

哭劉泖生

效吾鄉田歌為秀峯村趙丈六十壽

太息一首贈李雨蒼副都護

張芝浦丈出為陝安兵備作詩送之

題辭于九神山訪碑圖

詠齋前竹數樂壽音

集槐廬齋中作山谷道人生日善書卷呈

偶題

贈辭十九首

此山每購一帶
和音如響大軍

哭董策三戶曹君初終會心遂好味之

夜

愁卧

目錄

二

避舍蓋
公堂

送鄧獻之歸黃岡

獻之次均枉答誇其鄉竹田魚蕩之勝所居去寒溪

西山隔衣帶水耳欣然會心遂復和之

碣石行次前均

時有俄警大軍
屯山海關一帶

夜集

送汪仲伊作令山西即題其所著書卷尾

題仲伊後緹縈傳奇

欲歸三十均

山精縣圖

送辛楣郡倅南游四絕

獨粟示女

九日城西登高

又至畏吾村茶陵李文正公墓

雜言

槐

後震海二十首 續邵陽魏默
深先生作

潘孺老著新帽曉行隘巷閒為人攫去賦新詩獻嘲

買菊

題瀨上舟

丁氏

答和譚全椒

目錄

三

避舍益
八公堂

懷鄭令君 時從軍
渝關

稼曹

客坐

腐儒

街東 法善濂融

閑中 詩二十首

巷南 戲贈潘高士
存瓊州人

聞亮生不作亶州之游

少宰仁和夏公挽詩 文五八卷

地用莫如馬

孺老謝予曰不如逐伴歸山去長嘯一聲煙霧深云
云戲答一絕

宅中竹

朝市

目錄

四

避舍菴
八公堂



碑

中

云

不

漸西村人初集

詩九

懶上舟雜興 己卯

上學瀨上舟何以名因所居學舍詰屈如舟而名之也汎
汎兮若無止滲兮若不繫虛己以游容身而居走少家
共查富春之渚紫巖綠岫潭澗淙流繁花覆溪數里一曲
陳亦春松垂蘿雲壑萬態久矣不與吾目相接吾淡然無
心爲而神游焉斯不齋糧而至矣何處不可作瀨上觀
遊觀乎目瞑意適隨疏所得記之

儒無宮一畝胸有山千疊迴牽岸上舟藏壑輕如葉

詩九

一
避舍蓋
公堂

勿出風波言甘作風波民據梧眼較穩永日靜垂綸

松暗三山塔花明九里洲夢中春水熟放棹一夷猶

石鼎竅自鳴松風落檐際坐聞春夜泉稍出叢篁翳土階
刺亦無所前泊亦無所止延緣迴溪開歲晏期游此

寒夜撥鑪火蕭蕭雪打篷不知絕島闊人語春煙空

稍稍檐鵲鳴微微風竹語何似狎羣漚菰中不知處

上學如上渾放參如下灘君看金石佳何曾逐鷺盪出

續咏

種蕉大如篷驟雨聲喧聒驚起夢江湖挂席煙水闊

桐生雙井止風露淨娟娟若爲呼作姓食穴自能仙

沈沈北戶綠空際晚涼生會遣龍孫輩床虛時一鳴
種菊依疏籬焚香出茅屋銅螭浪翻江知有暗泉伏
懷人風雨夕發興滄浪舟世路渾無岸脚踏銷百憂
臥疴乍褰帷新月掛屋角忽憶聽田歌何殊張水樂
閱世長安奔升沈幾局枯浮名竟何益輸與漢潛夫

一壺松醪春幾寸松枝筆栖泊何所營龐公戒浪出

戲簡松岑 趣作篆

冰翁而後接龍生以筋畫灰玉精英况復黔安蛻句律偏
師電掃千名城八桂巖頭谷音發六槐街裏竹花榮雖無
一丈好東絹煩君搗洒夏蟲驚

詩九

二 避舍蓋
公堂

一丈哭張牧莊

磨君百跣

帝京塵

君直內閣十餘年
從不賃車代步

綴玉流溫見性

眞一自越吟餘響杳蕭閒閣吏更何人

禁城

禁城甘雨後風物似春餘問道虛丹鼎探奇闕漆書鐸聲
喧啅鵲橋影聚游魚寂寂揚雲論何年陪石渠

寄從兄新之

...

別後三鑽火書來一破顏萍浮長兒女檣散謝躋攀笋垢

新移榻苔皴舊釣灣晴嵐入樓好飛閣倚江潺石屋花更

發野橋楓幾殷他時小蠻榼共醉兩山閒

張君立生日詩以勸之

謾謾勁風松下吹更敦重穎茁華池精微讀破張侯論古
淡能爲水部詩博物猶應識龍鮓諷書何用借鴟夷一編
日歷過庭錄紅豆傳經手重持
漸含新意到精廬梧竹深青手自鉏作賦剛逢游洛歲清
才合遣爽漳居但期風雨含飛動豈有門庭事埽除看取
捎雲二千尺老子菌蠢社前樗

送友人之粵

人物眇然吳會閒舊游蠹落參橫天與君尙抱壯夫志甯
方爲阜不爲圓風吹橘柚貢南國日啖荔支去龍編相看

詩九

三

避舍蓋
公堂

萬里各努力志清尉候方歸田
人傳名子詩

五月能言驛德之衰國君同食子綦懷憂被褐治玉戰勝
與期魯郵奚辦一經是師名汝曰櫛字汝仲默閱爾微長
訟過毋飾聆呱入門予實涼德可不敬與前言汝則詩

座師孝達張公生日作

居鄰蔣縣三程近生後深甯四日強災異曾推星賈宋宏

詞不獨磬銘商萬年藤杖石路滑五經壁字金絲藏

時大
白晝

見公爲國子司
業上書言事
且坐牆東樹桂酒彭宣喚取侍華堂

寄孫太僕丈

潛虬亦受豫且困世網傷性何由馴公甯久縻金穀地應
陪朝論懷批鱗一麾京國二十載玉泉迴首昆湖滑食笋
齋頭窟黜黜榆杻合抱藤蘿昏浮雲變幻萬事改朱轡假
節秣陵春晚餘漪園道旁石猶識舊直人主三天臣時艱
再召羣望洽大官更事餘空齟行披琅玕貢宣室莫漫
演溪投巨縉況今法宮感星異修刑修德重光
新要令柔祗安且靜五月中隴蜀地大震陷沒數千家登進眾直收楛筩
誰歟目若營四海國工有待盧醫秦練衣蒲扇坐鎮俗亦
能一藥疲與呻列卿不獨掌捫馬天閑蹴蹋銀騏驎具茨
問道知去害文事肯數歸嚴陳勞公百觚上東門履常不

詩九

四

避舍蓋公堂

飲甌生塵

一答全椒譚令君

荆川習禮高槐下

唐襄文公嘗講學襄水書院今廢

孫策移家大道邊

孫桓

王在歷陽未渡江時嘗奉母吳夫人居阜陵後入曲阿始遣將陳寶至阜陵迎母

溲落如君猶墨

綬支離笑我殼黃肩幾時爲假秦毛羽入世終愁越膽肝

霸業久應隨宿草清流何事託庸妍微吟一勒南岡石游

迹終懷仙苑賢

全椒學宮石刻仙苑二大字朱子書

但保人生金石好何須

遽問蹲鴟田

壽林甯吳學士

風雨鱗鬣動吹嘘廢疾蘇如何魯酒薄來佐太廚腴其一

漸江水源三天子，郁垂虹黦瀑濺。徠馬漢郊符，郎省初題
柱。連敖旋握珠，要章典屬國。指畫坤靈圖，內制鸞臺貴。邊
籌象譯殊，稱身衣借紫。生耳轂塗朱，責貢條支羽。憂時魏
國瓠，黃流思塞賁。赤海罷乘泐，校士春關錄。懷賢頁屋愉，
不才孤器賞。危遇戀夷塗，壯武論陶雋。高平薦富劬，汗溝
相馬式。微尚笑龍屠，榮菊奇矜邁。吹花綠酒醑，季蘭詩一
獻。孟氏易三暮，老復丁無極。堅多節，豈誣采囊承。露柏銀
佩綏，山黃體潔春。組列時艱力，墨扶軒弓重。回首蘭矢願
先驅。

李壬叔善蘭七十初度

詩九

五

避舍蓋
公堂

欲敏授時誼，慙非許公才。銅渾寫北極，玉鑑破東來。宣夜
鑽三術，登高笑九能。千春曙幽漆，一日欵風雷。未遇

景陵世對天，虛上台徒觀。靈壽杖醉扶，宣城梅歐羅巴人
初得元朱

世傑所著四元玉鑑
號東來法遂知測祿

贈寂照寺法雲長老昌化人

子飲天目水，君草西溪圖。誰爲五漿餽，併作一乘泐。鄉味
柑千箇，石根松半枯。牛車不用覓，相對憩團蒲。

久不作詩拈筆短述

崔生端不負，丞公嬾蹋天。街曉鼓逢石，鼎夜鳴寒鸞。夢槐
龍霜落，勁踏風娛文。自是無常格，守餓依然覩。國工翻憶

梅花洲上路枉教朔雪望南鴻

哭劉泖生

君出鄴州無復人遙峯歸翼一酸辛

衢山有古詩碑曰薄煙羃遠郊遙峯沒歸

翼止

十字夢中命駕渾無路濁世論交覺有神

淘龍逢皮相轉疑真金庭石室不留地况厄寢邱廉吏貧

去年莊叟

中白

濠梁痛又值更生丹不成縱使書成非妄

歎最難後死媿忘情春來宿草要離冢雪暗連沙石北平

應仗陶堂

高君心夔

為石志相期文字慰平生

丁年給事尚書省垂老枝官亦佩魚抱石申徒疑嫉世草

元揚子為讎書湖莊泖舍難尋約

君喜卜居水鄉嘗以稚三泖漁莊圖索題

詩九

六

避舍蓋公堂

子偏親未絕裾太息朱游終始義

朱竹石觀察為料理身後事

抒哀情

竭獨慚予

效吾鄉田歌為秀峯村趙丈六十壽

見父執如面耶童時游釣隨巾車竹弓射鴨草屨撈鰕

入深林際招麈麇我父督課如官衙丈來一笑台躍鈺

嶺廟山呼蒼霞東陽泉烹嫩茶太湖塘摘山果赧歲穫水

雲租賽社村酤賒瓦盆一醉茅檐下藤枕筭床敲復斜無

端盜賊起孤兒生瘡痂父書觸手不忍讀晚餘四丈童

顏白髮而鬢髻少者俄壯老鬢華家產蕩盡還種瓜自抱

長鏡耕确砭田荒牛少虎豕橫豪吏索錢聞馬撓祝公河

車挽水餌丹沙採藕十丈蘆三椏種桃滿谷如仙家洞口
流杯飯胡麻眾雜誦得尙書春秋與律令告誡牛醫馬走
思慮無由邪何用挂朝籍役智于無涯長樂老復丁著書
齊隆窪敬父執如面耶抽簪歸去跨牛背親捧釣竿隨
古槎裏菱塘魚可叉琴高生壽命遐龍女絹容顏姸
太息一首贈李雨蒼副都護庚辰
氣爲白投鞭吾欲東

君王驚鼓意失計莫和戎

張芝浦丈出爲陝安兵備作詩送之

詩九

七

避舍蓋公堂

張君筆端可以迴萬牛

用培翁贈宛邱句

嘗乘仙槎古黔州十年

東觀弄文史一日西笑控旌騶蓬萊左股地肺右自言游

跡東南周洞庭窪尊燒苦酒黔山玉帳資雄籌有時餘興

出秀句雲煙潭池不可收坐藏人海斂奇翻起家列戟辭

霜講補游西北天乞與牢籠景物須瑠鏡精誠迴看白獸

闔意氣欲籬青金虬興元地形天下強縮穀仇池氏與羌

謀秦葛鑿赤岸庫開蜀丁走金牛鄉誰穿天穴五百里褒

斜磨厓厓石紫篋蓄谷裏寒玉倚得侯千戶饒如此時艱

燒棧襟喉壯事定勒銘文字美列州將吏隨低昂出得專

城差可喜烹魚忌碎牧羊煩力行君應慎張弛吾師方膾

制河魚舉主霽亭少空丙穴異味更何如待君內除還掌

制醽池黃九佐揭葵椽曹蕭然百瓊菹未得懷鉛繼祕書

天甯寺頭花市開何日拍浮岸幘重相於知攜西狹驚人

句莫忘清時議石渠即左司集中全

題辭十九神山訪碑圖椒道士所居許

鍊師定力不畏虎能致韋公酒一尊石髓飽餐騎鹿去惟

餘筆勢在雲根

左司蕭澹四十字才盡東坡與阮亭欲識飛仙舊行迹亂

山合沓四圍青

詠齋前竹

詩九 八 避舍蓋公堂

含粉籜龍抽六箭連珠菌子茁三釘蒸成何似冬生壽付

與幽人齊物經

集槐廬齋中作山谷道人生日

碣石欲掃海鳧髦一雨全燕雲滔滔風簾燭淚薦溪毛下

拜者誰龍伯子論詩妙得涪翁髓十四庚辰一彈指元符三年

庚辰山谷戎州吹去又宜州瘴衣腥膩薦羞孤光日轂

破閭浮摩圍閣倚屠牛機松風一吹七弦希遺俗至今習

癢痲玉篇癢痛熱悶也古樂府妃呼稀應作癢呼痲謂張口舒氣如噫吁語助之比暉子居說離陽社

人意甚真竹根澆客無邊春八桂老人聞不聞龍虵起陸

痛時危靖康丙丁是元龜我醒欲正熙豐辭不如去舒州

山谷寺安隱騎牛工辟世靜看夏篋解衣卧石筍

偶題

高密未遇時材堪郡文學濩落長安街犢種不掩足萬物
埃其賓空齋惟哀樸鄧林與瓜蔓生意同齷齪鄰槐俛屋
山一雨翠如幄蠹書竹粉殘古薜垣衣剝突煙鵲惜惜杺
花雞喔喔倘歌甘澤謠應如洛生濁

贈薛十九首

高榆三兩株蔭我茅一椽古道鹿蠢蠢圖史散後前煙華
宴坐處石涼意超然我媿韓博士亦復五楸牽楚然喜君
來葛衣兒女褰

詩九

九

避舍蓋
公堂

九鑽南梁槐三纒北地葛

家口寄居全椒者九年蕭
梁時南梁太守橋治於此

水石痕時夢魚梁闕桑下有餘戀親知况天末晦明東西

臺懷鄉尤咄咄一被羊裘去何殊鮎竿脫

林居臥闕世穴蟻防潰隄濫觴不早塞虹洞挾沙泥亡羊
牢未補爭鹿媾終攜纏短深鑿井鏡長寒刷畦吾忘適之

適抱甕厭聞擊

律身常畏微求志不在小身在菰蘆中志徹萬象表緬懷

桑根翁羣醒獨見曉斜川嗣東坡豈爲青紫燒歸草新宮

銘目窮丹經眇

士中有馮

願雲

吾愛若笙磬炎天嚙冰雪龔俗猶聽瑩

遇窪氣常充世誦道自勝去盡從之游擺落小根乘欲贈
乃無言百藥自求證

哭董策三尸曹

巖社湖邊無枉札文游臺下弔空舫楓青濕白難爲約臂
彈尻輪竟不停觀化一巡無此學折楊三疊有誰聽卻思
舊日同游處邗水浮煙絮化萍

清寒書局共三年問疾尋春在眼前君辨三條蔥雪剖君熟

於西北輿地予忘六鑿駮蛩憐思林苗地風雷墊藝海乘附日

夜穿今日京華仍漢落寄書有淚到窮泉

對天名論服蒿庵張稷若先生有天道論倚伏環中不可覃斥贈窮

詩九

十

避舍蓋公堂

交知長者君一同年友失官落魄不能歸賣書衣助之獨航元理助清譚河車

灌腦三淵靜沙篆吞匈六盜參石火杳然何處覩劇憐薊

北望淮南

夜

書苦塵鞅接蕭寥獨愛夜箕斗插屋欄風螢晃空樹東癡

名倔奇大令書凌跨王獻之進書訣表云乞食揚州市上

臣于匙面上作一夜字靈臺氣逾存琴思靜初罷自有閉門車何須

夢秋駕礙礙自言明傲以冥萬化竹露青嬾娟澄晶洗炎

真宥此斧斤餘天教籜龍放薪殘桂蠹然跋見松脂借脆

夢炊黍閒浮榮彈指暇知交迹也疏盍耐倒噉蔗黃絹與

青奴一室相枕藉，雖非情失半略恥。畢過嫁牛歌，編槿籬。
猱升縛藤架，何須對露堂。何必青冥靴，有琴得忘言。有子
號不嘔，踵息去來今。臥游嵩岱華，雖耽委吏閒。幸免長官
罵，鄙吝執自甘。意氣未能下，微吟常至戍。曙鵲噪寒舍，

愁臥一首

張長公貧煙火微，厭聞海立更烽飛。達官瓦注迷金注，愁
臥林衣閒石衣。坐失事機空盱食，曾無良藥起風痺。欲從
季主筮，卜新雨天街待振衣。

送鄧獻之歸黃岡

鷓首朝媾秦牛耳，夕要楚我欲。東求滄海君，頌洞傷心波。

詩九

十一

避舍蓋
公堂

浪阻徒令黃州老，禿翁逕著莎衣掉。頭去胡不上書，言天
扉胡不借籌衣。短衣兀然盡日閉，蕭寺把卷據梧長忍飢。
竹閒茶熟攜石銚，蒼雲蔽天淨暉暉。不嫌蕉萃百寮底，如
髮青山一棹歸。岐亭松花酒初熟，郭索蠲美榼頭肥。厭聞
世議脂與韋，山林鼎貴隱不瘁。規陂待種魚，千石度形仰。
纒桑十圍秋風銅狄戒，將違子亦陽阿髮欲晞。

獻之次均枉答，托其鄉竹田魚蕩之勝所居去寒溪

西山隔衣帶，水耳欣然會心遂復和之

郊原新雨洗新秋，極望西山出平楚。卻憶臨臯亭前雪浪
春，夢痕鯁菜扁舟阻。苦道鄧侯挽不留，頗憎殘暑推未去。

寒溪炊煙隔江扉
松子爲糧薜作衣
宦游卅年不歸去
花落山中黃鶴飢
改官金門老執戟
何似扁舟散髮弄清暉
女縫天吳裁褐坐
兒騎秧馬行水歸
憂時自有濟時相
學籬下玉版味厭勝
人閒金帶圍求田甯
與志相違富貴何如草露晞

金華碣石行次前均

時有俄警大軍屯山海關一帶

金華碣石行次前均

堯欲鞭羊舜荷箠
百工袖手安越楚
蔽蔽陴渠答碣石
閒表裏河山天險阻
不鞭其後惡能臧
駑弱獸強搏矢去
胸作東門今菹扉
鹵田葦海水生衣
開渠灌田迹久廢
屢陵鄂

詩九

三

避舍蓋公堂

上鵠民飢中流舟
膠維楫敗未濟何
由君子暉坐令大
食黑衣伍寶玉肱
桺連檣歸載書如
山槃不定撐犁食
言能自肥蒙皮笑
倒南杜韋梁韋叡南杜陵人
昔何精悍今何癯
腰橫金帶朝乘障
雪沒桑乾夜打圍
徙薪徐生與時違
翳郭蓬蒿陽不晞

夜集

夜集

樂餌縱能娛暫客
淡言誰識道堪親
野夫爭膝白漚席
驚座從投方角輪
竹壓藤陰花作霧
笛吹雲破月常新
漸西歌管濛濛路
江月江花憶酒人

送汪仲伊作令山西卽題其所著書卷尾

空堂讀書三十年不如一詣跛主簿古人已抱不傳死今
見狂君如更暗知名憶在巳年秋辛未殘冬欣接武走時
貞疾蟻鬪牛君爲察岷候兼部千年枸杞不可得九節昌
羊通藏府後遇至人傳衛生液液解冰參納吐猶蒙傳語
問無恙高臺多風太室雨蠖蛭一別十年閒春榜名登碩
人僕喜來手腳輕欲旋重欲顏行破金鼓先生故是不可
量一第何能增宛囷稍聞餘技販丹經未遣追風籥元圃
倘得雲中萬家縣猶勝日下丈二組我逢佳客始開門握
手大輶百痲愈初從別緒說薛流復述學涂辨堂廡齊賢
沈郎丙戌科臭腐雲煙何足數明陰洞陽玉精英出律入

詩九

三

避舍蓋
公堂

禮黃閒弩百金并緝千金方學海君能徒手取文家蟬噪
儒家贅紛紛出入相奴主亭林雅有廓清力博野三物猶
小補君由其數知其理尙書四七易三五刪除蹈襲存心
得山陰黃精陽石乳刀圭涉世古靈言一藥一病今可譜
自言壯悔少猶粗述者漸希能信古之燕之粵途非僻漱
飲寒衣意良苦區田一卷尤時宜桐君六丁來摸肚君少著區
田法二卷辛酉流徙桐廬而失之或爲山中道流所得未可知也灑然示我弢廬圖黃山
百靈抗天柱花藥熠熠室虛明娟稚熙熙治酒脯風吹木
瓢豈尸舜花落青牛不適楚漸江來從三天都我酌其甘
醑神禹清瑩徹骨無由邪上有白雲如白羽自斂吾友戴

望與莊叔太息儒名行多買戴君語賴有夫君起衰圯正言

一敵羣哇咻先生所居卜歲穰晉祠流水神弦撫何如陳
力遺補閔宣室藥言窮岬縷况今帷幄求良籌四譯方開
敵人戶胡爲論道阻江湖篋簾明堂虛搏拊憶昔閩朱諍
僞書並馬臥茵同起舞劉宋日精與月鬼作爲歌詩相戲
梅世事方殷嗟力薄求子贈言爲積矩翩然小別一千春
龍泉捉爾延平浦湘鄉贈劉公蓉詩云千山捉臥龍

題仲伊後緹縈傳奇

習之手表高貞女石笥曾歌女李三解道百男何憤憤藉

詞漆室風婀娜

詩九

古

避舍蓋公堂

欲歸三十均

見說山中好憑將耳洗淵野人來問姓山鳥不知年沙篆
潮平嶼風鈴塔臥煙棚銜魚戢戢竹剖溜涓涓雪後皆奇
嶂梅時有別天橘王媛獻果蓮女鷺看船仙子松毛瘦高
僧石簷穿藥鑪鉛虎候香木墊龍涎赤箭陽厓茁青甯暗
雷懸僻應門列謹靜則枕流泉高詠呼租牒幽尋買笋簞
酒窺千日醉花插四時妍上下洞相望東西屋作箋銅杵
入林餽雲笈過庭編壇籜風頻掃窗塵日晏眠幾經歌舞
異忽復歲時遷喪亂弓亡楚音書燭誤燕倦思遼鶴返狎
憶海漚便一泛寒溪棹重支老屋椽芋魁從乞種稻嶼不

論錢考牧金華客輕裝范蠡賢鑿渠畚細石垂釣撒芳荃
八節灘何許三層閣有焉蒼官與青士把袖復隨肩泉歷
中滯美篝排下溪圓睦親坊野語石屋渡迴沿女褐鍼穿
鵲兒書角挂健勅無關世事坐欲破寒瓊夜雨響山葉秋
花明驛田欲歸歸不得斷爛對床篇

送辛楣都倅南游四絕

沙土園荒屋兩頭題襟何況問湖樓舊來結社都陳迹一
隻飛鴻又叫秋
東青門裡精廬好學派旁行涔鄭齋解轡何方尋柱史墨
山藿蠋語空諧

詩九

五

避合菴
公堂

何日精廬其一鐙居然北秀對南能折蘆渡水頻相送莫
謂寒蛟不可醫
錢秋仍望白雲可三宿巢痕欲去遲爲我將書吳市尉禿
裘招隱索新詩

燭栗示女

白鷗寒谷味霜風催送來如能疏栗事喚取覓多枚

九日城西登高關對事坐燈燭寒窗夜雨響山葉
東家儒詰西家墨南鄩窪言北鄩高一笑敷門至游子意
行太室談松毛
香山漠漠樹濛濛紺字瓊臺極望中吾屬新亭休迸淚龍

超氣與濁流東
又至畏吾村茶陵李文正公墓
簪裾昔是畏吾村藥採今傳懷麓墓惟有蒼官蛻後鱗化
作龍泉飛欲去

雜言

野水歸牛浮鼻穹林宿羽同龕從諳村翁頑鄙弱年五十
三參

又

曉盞荷衣露落夜窗竹影參差一日中含四序個中消息
誰知

詩九

六

避舍蓋
公堂

又

夕別雞栖莎柵朝呼鳥啄餘糧無水無山處隱菅騰一枕
風涼

又

衣綻應訶女隸春粗爲責髯奴竟爾標枝野鹿中流何處
尋壺

又

屋上老槐千龍鱗夜風霜寒枯欲落大聲呀豁又微吟洶
洶波濤春枕作坼茅卷土不肯降槐距檀攻皆削弱夢迴
酒醒風力微浩如虛舟絕大壑九關人寂虎冥冥起看南

枝挂一星挽著滄江無用處坐聽雞號霜滿庭

後震海二十首

續邵陽魏默
深先生作

請纓恥類牂生突獻議嫌逾突徒薪何況桓侯仍目笑不
如閉口飲吾醅

未能外乞句漏令且判勤漉雲安春殘生傷性等間耳者

好何殊螺贏倫

千里金隄蟻早摧楊光先枉殺奇材勝朝番舶金葉表半

出中行說翦裁

欲迴四海純秋氣端在雷霆一發聲

景陵寬大

詩九

七

避舍蓋
公堂

秦陵肅何物撐犁能弄兵

恥言農戰競文儒

梁任昉策秀才文云今農戰不修文儒
是競哀江南賦述天監大同間事云天

子方剛詩書定禮樂宰衡以干戈為兒戲搢紳

以清談為廟略此切中利病之言乃史筆也 四庫椎輪

智飾愚始識諸城能燭遠絕勝發難越髯朱

開四庫館之
議劉文正公

以為非當時急務擬寢筍河
奏不下而于金壇力持之

新柳新桃青已黃東風一吹數尺強妍枝縹緗三年大付

與兒孫作屋梁

亦有才名動夏洲長沙表餌術悠悠計東虛挾籌南論猶

笑盈廷築室謀

永樂虛傳柔遠名貂璫日夜海西行漏卮一筵嫌何晚早

辭去作蔣山傭

衢尊醉了又窪尊爛漫聲郎一笑溫為飲易又王挂腹不

嫌剝啄午題門

驕胡火色網恢恢完顏亮大舉侵宋宋人占焦氏易林繇曰驕胡火形云云果諗未遣豪

酋飲馬來終信鴉頭天不醉何妨龍岷地能迴

庚申庚子又庚辰金木相軒豈數屯蓄艾臥薪

君相事祇慚併辦不能神

潘孺老著新帽曉行隘巷閒為人攫去戲賦新詩將

以獻嘲

榮叟鹿裘老帶索十年一冠裁簇新不隨時樣新先輩翻

詩九

九

避舍蓋公堂

遇惡少相陵胸公然抱帽驚兔脫先生禿髮故不瞋先生戲改

杜句公然抱茅入竹去唇焦口燥呼不得云云謂汝政苦寒飢使亦坐先生槃散

行跋跋歸呼赤腳婢還寬舊頭巾由來美服患人指細悟

養形須外身從此看花醉逐少年隊峨冠者鄙窮酸親金

甌一擲弁髦耳何暇出戶喪吾真勁風催霜席自煨一室

自釀羲皇春漫持章甫適諸越未必儒冠能誤人吁嗟乎

巧偷鉤豪奪國發冢大儒稽古力人間六鑿還相賊古今

得喪一例哈小往安知無大來

和前作

潘上存

君不見杜陵翁秋風吹破屋村童竊茅徑穿竹又不見玉

川子惡少騎屋山渾舍驚怕走告官我今不作焦唇呼亦
復不下長鬚狀厭故喜新盜之招畏壯侮老人非妄一身
百體頭最尊宜如羣臣奉大君豈知各自私所有冠敝苴
履誰能援楚人亡弓楚人得此去誤誰隨所適歸來寒月
照華髮頭童戴天喜不隔世閒萬事同戲劇巧偷豪奪知
何極讀君詩罷爲岸幘不須小犬說往來人生當著幾鞦
履

買菊

蓄琴經年嗔不彈捐書時復讎肺肝先生者好究何腐夜
分鶴叫知天寒窮年觀物自娛樂偶編虎落斬枯竿避賢

詩九

于

避舍蓋
公堂

讓出菊花路俸錢一囊留幾看東家栽菊白玉杵西家步
障青珊瑚長安菊譜種有幾西施沈醉虎鬚漫

京輦菊市
甲天下色

目甚多貴家爭尚之
視舊譜所收數倍

傾囊第取飽我眼粗花細葉皆可餐

磁州瓦盆三十輩聊辱佳客兒童謹就中黃白得氣早正
色詎假穀朱丹長鏡無地可耕牧閉門抱甕甯辭難還燒
牡鞠治墜戶且養金精補藥欄先生獨酌晚色淨頽然更

倚青琅玕

題瀨上舟

種竹支扉三日辦真成物外一虛舟風簾裊裊龍虵影雨
几浪浪鳧雁游寂靜藏山終日住虛明沈陸百無憂莫嫌

弊漏牽難去檻外從君試直鉤

丁氏

松下丈人紫芝曲城東冷冷竹並榮朱楓而後好兄弟金
石爬梳眼更明

答和譚全椒

舊游漫與說同袍山縣新硯試孟勞白璧明珠多按劍甘
瓜苦蒂任懸匏名浮道術猶堪恥日飲亡何且自豪漸入
中年感哀樂相要寒節證孤高

懷鄭令君

時從軍
渝關

八分瘦硬老鄭虔攜手一別山蒼然盜課謫官歲行暮苦

詩九

壬

避舍蓋
公堂

寒從軍私自憐萬牛挽著無氣力一雁叫空誰爲傳悠悠
名利等閑耳腐鼠豈足污貞堅

掾曹

掾曹坐閱歲崢嶸寂歷疏寮納晚晴床上文書從束笋階
前草露競駢睛哀家梨美誰蒸熟方竹筍圓或削成忽聞
石鼎細泉響餘竅更作蒼蠅鳴

客坐

客坐能令吾喪我尸居不畏鶴嘲鵝腰金控紫須臾耳錄
錄抱關甯汝訶

下田居云鵝性頑而做刺
時也樂天有鶴嘲鵝詩

腐儒

江左風流苓落盡楊

鐸

劉履莊

棧

李祖

望

一時陳清尊且共

潘初老

謂孺初

大筆誰書范逸民瘦竹荒寒疑有雪喬松廣

大不生鱗腐儒解作一生事雞柵縱橫詎厭貧

街東

馮家亭子樹冥冥枯木鴟巢深竹青風來簌簌葉自落雲

黯垂垂波不停雙煙微曩博山火一石橫臥匡廬屏經行

偶此憩寂寞夜來雪壓荆扉局

開中

閑中日月堂堂送霧裡文章皦皦棧曉榻槎牙欣欲吐南

窗且可遲融冰

詩九

三

避舍蓋公堂

巷南

戲贈潘高士存瓊州人

巷南許叟融而諧巷北李郎辯而褊巷西髯張外閭而內

明巷東臞鄧內癯而外捷此皆良士一敵萬操術差強學

能踐未若海南山人擇處高雲壁潭潭萬重巘彼皆刺口

論時事干莫神鋒或傷雋先生不言道自存其氣充然遇

還蹇滂礪胸中開典禮長風冷冷滌涂眇又如廣谷秀穹

林百泉洄洄潤墳行終年兀坐何思慮慮則千絲抽獨甕

四枯四實泥蟠蟄乍陰乍陽霧豹變千年斧鑿施手開萬

口纍疑一言讞用爲義和佐平成舍則黃綺矜頑悞胡爲

棄寘復棄寘濩落窮閭知者尠春風吹花席爲門寒日縛

竹茅自翦呼兒植，援雞喧柵喚嬾作。糜鵲噪甌先生晏，處
故超然絳雲在空自舒卷。大賢慙世不賦俗，惟用法律自
龜竊窮通有如嬪。寒暑年運而往，何勞餞我知理勝兼乎？
勝玉璫誰歎推子善，殘冬地寒床有龜竈。觚晨炊食無鬻
游魚甘蟄鳥甘林，曷不開尊暫游宴。醉來兩忘心語口生
後，何知龍作蛭，城南寺松一百尺，且可年年抱霜霰。

聞亮生不作亶州之游

不去扶桑觀浴日，卻于何處閱桑田。屠龍屠狗惡乎可，無
水無山著處便。柱下谷神猶有術，井溼河伯莫輕傳。終宵
燭地知何宿，見則閻浮大有年。

詩九

三

避舍蓋
公堂

少宰仁和夏公挽詩

萬感蒼茫日，良臣不憚遺。海雷虛講幄，少海況聞鼙。舐訪
百泉社，公嘗問學于
興化劉中允今亡一鑑師。齏鹽長不改，儉德少人

知

又

鄉國淵無潤，人文方眇然。如何湛盧去，不使傳車還。景孰
浮雲翳，貧無下溷田。未忘閣門語，不獨痛摧遷。丙子唱第
日還公將
入直垂問近日疆吏多
陳奇事平其得失若何

地用莫如馬三首

地用莫如馬，不甯西北徠。時危恥荷出，德勝賤逸才。衰矣

鳳栖枳天閑龍與媒利毗知慚乘感遇存風雷日落幽燕
氣蕭條空復臺

人用莫如龜八九鑽無遺叢著不復茁蓮葉亦傾危方策
有南董純深乃器師千年枯桑熱聲銷防禍機

天用莫如龍洞林何冥密陽德始萌牙元精貫華實非爲
秦者馴乃自三淵出柔中有剛夫利器藏不疾慎毋魚服
困取笑鰕與蛭日躔有清明大野轉蕭瑟

孺老謝子曰不如逐伴歸山去長嘯一聲煙霧深云
云戲答一絕

蛟公劍術本粗粗那得仙姝一起予會使林深不可見煙

詩九

齋

避舍蓋
公堂

餐霧隱且胥疏

宅中竹

幽燕地寒無大竹寒篠亦復存典刑娟媚翠袂秀籬落歲
晏華予勤六經午無炊煙餅粟減雞鳴高樹鵲噪局夜中
月從寒玉影瓊細斜上青金屏霜朝霧暝不可說石瘦苔
古無全形蟲蟲冬旱陽氣泄風伯吹雲腳不停壇場駿奔
圭璧馨閉凍不固愁蝗螟材孱豈辦作公輔休沴感召如
桴桴隕霜不殺戒諸史蘭根枯死塵冥冥安望明年籜龍
茂開花結實製頽齡低田宿麥龜坂兆小窗落日荒亭亭
此君寒癡睡不醒吾將驚之以雷霆

朝市

何物可醫適俗士
鵠啁鷹呼來賀貧
園官送菜寒十束
竈婢量薪支一旬
松節燒殘石髓熟
溼煙凍破梅花皴
非朝非市操何術
猶媿几蕞耕鑿民

詩九

五

避舍蓋
公堂

